

讀史兵略續編

順史兵略續編卷之七

益陽胡林翼纂

金匱室藏書

（五年）以瑛爲京西路兵馬鈐轄初瑛父宗政知襄陽招唐鄧蔡州壯士二萬餘人號忠順軍命紅梅峯之衆不限制置司以瑛代海瑛分其軍爲三衆皆帖然瑛又擄平堰於襄陽自城至軍西十八里由八盤河經新水側水踰九阜建通天槽八十有三丈溉田萬頃立十莊三轄使軍民分屯邊儲豐初又命忠順軍家自賣馬官給飼粟馬益蕃息

蒙古兵自唐州趣汴金元帥完顏兩洛索戰於襄城敗績走還汴金主詔羣臣議尙書令史楊居仁請乘其連至擊之平涼拜娃遣莽依蘇等部民丁壯萬人開短隄決河水以衝京城命瓜勒佳薩哈勒將步騎三萬巡河渡趨近京諸色軍家屬五十萬口入京城蒙古主用西夏人恤克計自河中由河清縣白坡渡河遣人馳報國墨率師來會薩哈勒行至封邱而還蒙古兵掩至莽依蘇等皆死丁壯得免者僅三百人甲午蒙古主入鄭州金主詔羣臣議所守有曹珠赫塔果勒齊所築襄城決不可守外城決不可棄於是決計守外城命修樓櫓器具時京城諸軍不滿四萬而城周百二十里不能徧守故轍以遷避之民充軍又召在京軍官於上清宮平日防城得功者歲長補短假借而用得百餘人又集京東西沿河舊屯兩都尉及衛州義軍凡四萬并丁壯二萬分置四面每面選千名飛虎軍以專救應然亦不能軍矣蒙古游騎至汴京金完顏哈達伊喇布哈自鄧州率

步騎十五萬赴援蒙古圖曼問蘇布特以方略蘇布特曰城居之人不耐辛苦數挑以勞之戰乃可也遂以騎三千尾之哈達等謀曰敵兵三千而我不戰是弱也進至鈞州沙河蒙古兵不戰而退金軍方盤營蒙古兵復來襲金軍不得休息食飲且行且戰至黃榆店距鈞州三十五里丁酉大霧三尺金兵僵立刀斃凍不能舉圖曼以其衆衝出蒙古兵自北渡者畢集前後以大樹塞道楊沃衍奪路而前金軍遂次三峯山軍士有不食至三日者蒙古兵與河北兵合四面圍之燔薪燔肉更迭休息乘金困憊開鈞州路縱之走而以生兵夾擊之金軍潰聲如崩山武仙率三十騎入竹林中走密縣楊沃衍樊澤張惠步持大槍奮戰而死哈達知大事已去欲下馬戰而布哈已失所在乃與完顏彝等以數百騎走入鈞州蒙古主在鄭州聞圖曼與金相持遣昆布哈齊拉賽等赴之至則金軍已潰於是乃合攻鈞州壘其城外哈達置窟室中城破蒙古兵發而殺之因揚言曰汝家所恃唯黃河與哈達耳今哈達爲我殺黃河爲我有不降何待完顏彝趨避隱處殺掠稍定乃出自言曰我金國大將欲見白事蒙古兵以數騎夾之詣圖曼問其姓名曰我忠孝軍總領完顏陳和尚大昌原衛州倒回谷之勝皆我也我死亂軍中人將謂我負國家今日明白死天下必有知我者圖曼欲其降不肯乃斫足脛折之齧口吻至耳噴血而呼至死不屈蒙古將有轅之者以馬瀼醢而祝曰好男子他日再生當令我得之布哈走汴蒙古兵追躡擒之圖曼命之降往復數百言終不肯但曰我金國大將惟當金國境內死耳遂殺之金之偏將銳卒俱悉自是不可復振矣蒙古遂略商虢嵩汝陝洛許鄭陳亳潁壽睢永等州時民北徙者多餓死東

平萬戶駁實命作展朔道傍金活者衆

河清縣在孟縣西南白坡當作白渡鎮名也鈞州今五州黃樓店在州南二里山在州西南二十里鈞州今靈寶縣舊今靈縣永州在信

陽州境然
入唐矣

初金主聞蒙古入剋鳳翔遣國克坦烏登行省關鄉以備潼關國克坦伯嘉爲關陝總帥便宜行事伯嘉馳入
陝榜縣鎮還入大城解州重聚之陝州近山者入山寨避兵會阿里哈傳旨召烏登援汴烏登遂與潼關總
帥納哈魯會合秦藍總帥完顏重喜等帥軍十一萬騎五千盡撤秦藍諸關之備從號入陝同華關鄉一帶軍
糧數十萬斛備關鄉二百餘艘皆順流東下俄聞蒙古兵近糧不及載船悉空下復盡起州民運靈寶硤石倉
粟會蒙古游騎至殺掠不可勝計金守將李平以潼關降於蒙古蒙古兵長驅至陝烏登所發關鄉軍士各以
老幼自隨由西南徑入大山冰雪中都將多叛去蒙古聞之自慮氏以數百騎追及山路積雪晝日凍釋泥淖
及脛隨軍婦民棄擲老幼哀號盈路行至靈嶺欲戰而饑憊不能振於是重喜先降蒙古斬之於馬前金兵遂
大潰秦藍總帥府經歷商衡死焉烏登納哈魯會合從數十騎走山谷間追騎擒之皆被殺

硤石在陝州東南

蒙古將特穆爾岱取金雕州遂圖歸德府金行院實嘉紐勒歡偕經歷數萬鎬等竭力守禦初患敵少父老有
言北門之西菜園中時得古礮云是唐張巡所埋發之得五千有奇城中賴之會慶晉野濱兵亦至勢稍振乃
遣提控張定夜出斫營發數礮而遁南城外有高地相傳爲尹子奇攻破睢陽故址蒙古移營其上晝夜攻城
不能下或見特穆爾岱獻決河之策特穆爾岱從之河既決水從西北而下至城西南入故澗水城反以水爲

固特穆爾岱收獻策者欲殺之而不知所在乃緩攻

蒙古主將北邁使蘇布特攻汴復遣人諭金主降且索翰林學士趙秉文衍聖公孔元措等二十七家及歸順人家屬伊喇布哈妻子并婦女工匠廩人等金主乃封荆王守純子額爾克爲曹王議以爲質命尙書左丞李騷送額爾克出賀蘭讓大夫費摩阿固岱爲講和使未行蒙古蘇布特聞之曰我受命攻城不知其他乃立攻其沿濠列木柵驅漢俘及婦女老幼負薪草填濠頃刻平十餘步平章拜姓以敵和不敢與戰城中喧闐金主聞之從六七騎出端門至舟橋時新雨津車駕忽出都人驚愕失措但跪於道旁有望而拜者金主麾之曰勿拜恐泥污汝衣老幼遮擁至有誤觸金主衣者少頃宰相從官皆至進笠不受曰軍中暴露我何用此西南軍士五六十輩進曰北兵填濠過半平章傳令勿放一鐵恐壞和事豈有此計耶金主曰朕以生靈之故稱臣進奉無不順從止有一子養來長成今往作質汝等略忍待曹王出蒙古不退汝等死戰未晚是日曹王額爾克行蒙古留曹王於營遣李騷等還併力進攻金甌石取貝嶽太湖鹽壁假山爲之大小各有斤重圓如燈籠藏古甌破大甌或碌碌爲二三皆用之擲竹甌有至十三稍者每城一角置甌百餘枚更迭上下晝夜不息數日石幾與甌城平而城上樓櫓皆拆故宮及芳華玉溪之材爲之合抱之木隨擊而碎以馬糞麥粘布其上網索縛縛固甌之其懸風板之外皆以牛皮爲障蒙古兵以火甌擊之隨即延燒不可撲救城乃周世宗所築取虎牢土爲之甌甌如鐵受敵所擊唯圓而已金主復出撫將士值被創者親傳以藥手酌卮酒以賜且出內府金

鼎以待有功者蒙古兵據外築城圍百五十里城有乳口樓櫓深丈許闊亦如之三四十步置一鋪櫓百
許人守之初拜姓命築門外短牆委曲隱匿僅容二三人得過以防蒙古登門及被攻諸將請乘夜斫營軍乃
不能猝出比出已爲蒙古所覺後募死士千人穴城由墮徑渡燒其櫓庫城上懸紅紙燈爲應約燈起渡壕又
放紙鸞掛文書其上至蒙古營斷之以誘被俘者皆爲蒙古所覺時有大礮名震天雷以鐵罐盛藥以火點之
礮起火發其聲如雷聞百里外所轄圍半畝已上火點鐵罐甲皆連擊古時爲牛皮洞直至城下掘城爲龜
可容人城上莫如之何乃以鐵繩懸震天雷順城而下至掘處火發人與牛皮皆碎姓無迹又有飛火槍注藥
以火發之輒前燒十餘步蒙古唯畏此二物攻城十六晝夜內外死者以百萬計蘇布特知未易取乃爲好語
曰兩國已講和更相攻耶金主因就應之乃遣戶部侍郎楊居仁出宣秋門以酒炙犒蒙古兵且以金帛珍異
賂之蘇布特乃許退兵散屯河洛之間方蒙古之攻城也矢石如雨中有女子呼于城下曰我倡女張鳳奴也
許州破被俘至此彼軍不日去矣諸君努力爲國堅守無爲所欺也言竟投壕死金主使醢祭於西門時女直
人無死事者長公主冒於金主曰近來立功效命多諸色人無事時則自家人爭強有事則他人盡力焉得不
怨金主默然

金拜姓之守城也樓櫓垂就輒摧使令取竹爲護籠所司馳入城大索無所得拜姓欲斬之或告所司曰金多
則憐矣胡不即平章府求之所司懷金三百賂其家僮果得之及兵退軍士憤怒拜姓不自安謂尙書令史元

好問曰我訪賢路久矣得退爲幸爲我撰乞致仕表頌之金主已遣使持詔至其第令致仕軍士欲殺之拜姓懼一夕數遷金主以親軍二百陰爲之衛軍士無以泄其憤遂相率毀其別墅

金恆山公武仙等會兵救汴初三峯之敗仙走南陽收潰軍得十萬人屯留山汴京被圍金主詔仙與鄧州行省完顏色塔魯昌總帥完顏仲德合兵入援仙至密縣東遇蒙古將郭德海卽按軍眉山店報色塔魯曰阻澗結營待仙至俱進色塔魯欲至汴不聽金主又命樞密使特嘉喀齊喀帥兵應仙色塔魯等至京水德海乘之不戰而潰仙亦敗走還留山德海致玉之子也喀齊喀屯中牟聞色塔魯潰卽夜棄輜重馳還先是有投匭名書干御路者云副樞喀齊喀總帥薩哈勒參政恩楚皆國賊朝廷不殺衆軍亦須殺之爲國除害衛士以聞薩哈勒飲藥死恩楚稱疾不出唯喀齊喀坦然若無事者金主亦無所問及是言者謂喀齊喀始則抗命不出中則還還不進終則棄軍先還不斬之無以謝天下金主貸其死免爲庶人籍家貲以賜軍士

金中京元帥任守真以入援汴京敗死中京人推警巡使齊克紳爲府篆事齊克紳本河中射糧軍子弟也親寢而奮力過人時所領軍士僅二千五百人甫三日蒙古兵圍之齊克紳括衣帛爲幟立之城上率士卒赤身而戰以壯士數百往來救應大呼以惑子軍爲號其聲勢與萬衆無異兵器已盡以錢爲鏃得蒙古一箭截而爲四以箭鏃發之又創過敵敵用不過數人能發大石於百步外所擊無不中齊克紳奔走四應所至必捷得

二戰數以騎士人不過一昭如獲百金之賜蒙古攻三月不能下乃退

中京今洛陽

金主以和議既絕懷民再至乃復募民爲守禦備遂括汴京粟以完顏珠赫等主之珠赫諭民曰汝等當從實惟舉果如一且糧盡令汝妻子作軍食復能吝否既而罷括粟復以進奉取之且賣官及令民買進士第前御史大夫內嬖哈昭復進用建言京括括粟尙可得百萬石金主乃命哈昭爲參知政事與左丞李騷復括之哈昭先令各家自實壯者存石有三斗幼者半之仍書其數門首敢有匿者以升斗論罪京城三十六坊各選深刻者主之完顏珠尤酷暴有寡婦二人實豆六斗餘有蓮子約三升玳珠笑曰吾得之矣執婦以令于衆婦泣愬曰妾夫死于兵姑老不能爲養故種蓮糝以自食非敢以爲軍儲且三升六斗餘也玳珠不聽竟杖死聞者股栗盡斃其餘拋擲中或白于李騷騷感曰白之參政及白哈昭哈昭曰人云花又不損蜜又得成花不損何由成蜜且京城危蹙今欲存社稷耶存百姓耶衆莫敢言所括不能三萬斛滿城蕭然死者相枕貧富束手待斃遂至人相食金主聞之命出太倉米作粥以食餓者錫默愛實歎曰與其食之何如勿奪爲奉御博諸所告金主怒送愛實有司賴近侍李大師救免

〔六年〕金主乘舟濟河大風後軍不克濟丁未蒙古將和爾古訥追擊于南岸金元帥賀德希力戰死兵溺者千人元帥珠爾都尉赫舍哩禔楞等死之金主在北岸望之震懼庚戌次滹麻岡遣拜姓帥師攻衛州至城下以御旗招之城不應蒙古聞之自河南渡河拜姓遂退師蒙古史天澤以騎兵踵其後丁巳戰于白公尉金師敗績拜姓竄軍東遁元帥劉益上黨公張開皆爲民家所殺金主進次蒲城復還魏樓邨猶欲俟蒙古兵至

決戰少頃拜姓至倉皇冒軍已潰北兵近在隄外請幸路德金主遂與副元帥和爾和等六人夜登丹潛渡河走歸德翌日諸軍始聞金主棄師遂大潰金主入歸德遣奉御珠嘉塔克寶布往汴京奉迎太后及后妃諸軍怨憤拜姓自稱城還不敢入金主召拜姓至數其罪下獄死仍籍其家財以賜將士曰汝輩宜竭忠力毋如斯人誤國初瀕河居民聞金主北渡築垣塞戶潛伏洞穴及見富察官勢一軍號令明肅所過無絲毫犯老幼婦女無復畏避及拜姓往衛州縱軍四掠哭聲滿野所過邱墟一飯之費至數十金公私皇皇民始思叛故衛州堅守而蒙古之追無來援者以至于敗初汴人以金主親出師日馳捷報及聞軍敗衛州倉皇走歸德始大懼時蘇布特攻城日急內外不通米升至銀二兩殍死相望搢紳士女多行乞于市至有自食妻子者諸皮器物皆煮食之貴家第宅市樓肆鋪皆撤以燔及金主遣使至汴奉迎兩宮人情益不安西南元帥崔立性淫狡因民洶洶與其黨韓鐸藥安國等潛謀作亂左司都事元好問謂薩尼雅布曰自車駕出京今二十日許又遣使迎兩宮民間皆謂國家欲棄京城相公何以處之薩尼雅布曰吾二人惟有一死爾好問曰死不難誠能安社稷救生靈死可也如其不然徒欲以一身飽五十紅納軍亦謂之死耶薩尼雅布不答金太后皇后發行至陳留見城外二三處火起疑有兵復馳還汴京戊辰崔立率甲士二百橫刃入省中拔劍指完顏納紳及薩尼雅布曰京城危困已極二公坐觀何也二相曰有事當好議之何遽如是立麾其黨先殺薩尼雅布次殺納紳及左司郎中納哈塔德輝等十餘人即諭百姓曰吾爲二相閉門無謀今殺之爲汝一城生靈請命衆皆稱快

金自南遷後爲宰執者往往無恢復之謀無事相習低首緩語互相推讓以爲養相體每有四方災異民間疾

苦將以奏必相謂曰恐聖主心因事至危慮輒罷散曰俟再議已而復然或有言當改革者輒以生事抑之故

所用必擇懦熟無鋒銳者用之每蒙古兵壓境則君臣相對泣下或殿上發長吁而已兵退則張大其事會飲

黃閣中矣竊立勸兵入宮集百官議所立立曰衛紹王太子從恪其妹公主在北兵中可立之乃遣韓鐔以太

后命往召從恪至以太后詔命爲梁王監國百官拜舞遂送款詣蘇布特軍蘇布特至青城竊立服御衣儀衛

往見之蘇布特喜飲之酒立以父事之還城悉燒樓櫓蘇布特益喜

溫麻園在長垣西北白公廟在汲縣東魏樓村在長垣西長垣卽古滑城也

金竊立諷太后作書陳天時人事遣金主乳母入歸德招降立遂以太后皇后梁王荆王及諸妃嬪凡車三十

七兩宗室男女五百餘人行聖公孔元楷等及三教僧卜工匠婦女赴青城劉祁竊歎曰此國初受宋降處也

今適復至此乎蘇布特殺梁荆二王及族屬而送后妃等於和林寶符李氏行至宣德州自縊於摩訶院佛像

前且書其門曰寶符御侍此處身故見者哀之諸后妃不知所終蘇布特入汴京以金人擅殺唐廢取諸宰執

家屬治罪故相侯摯見殺竊立時在城外兵先入其家取其妻妾寶玉以出立歸太廟而已初蒙古之制凡攻

城不降矢石一發則屠之汴京既破蘇布特遣使言於蒙古主曰此城相抗日久士卒多傷請屠其城耶律楚

材聞之馳見蒙古主曰將士暴露數十年所爭者土地人民耳得地無民將焉用之蒙古主未許楚材又曰凡

弓矢甲仗金玉等匠及官民富貴之家皆聚此城殺之則一無所得是徒勞也乃詔除完顏氏一族外餘皆原

免時避兵在汴者尙百四十萬戶皆得保全遂爲定制

金唐鄧州行省武仙次於順陽與唐州守將武天錫鄧州守將伊喇琬相犄角謀迎金主入蜀遂使光化其鋒甚銳孟珙逼天錫壘一鼓拔之壯士張子良得天錫首以獻俘將士四百餘人又敗金人於呂堰俘獲不可勝計遂攻順陽武仙敗走馬蹬山縣令李英及申州安撫張林皆以城降珙言於史嵩之曰歸附之人宜因其土地而使之耕因其人民而立之長少壯籍爲軍俾自耕自守才能者分以土地任以職事使各招其徒以殺其勢嵩之從之

呂堰縣在襄陽北七十里

衛州白公廟之潰富察官勢母爲蒙古所獲金主命官勢因其母以請和官勢乃詣亳州密與特穆爾岱言欲劫金主以降特穆爾岱信之還其母因定和計官勢乃日往來講議或乘舟中流會飲其遣來使者二十餘輩金主密令官勢以金銀牌與之勿令還營因知王家寺大將所在官勢乃定斫營之策端午日祭天軍中因備火槍戰其官勢夜率忠孝軍四百五十人登舟殺守隄邏卒徑至王家寺特穆爾岱之營金主御北門繫舟待之慮不勝則走徐州四更接戰忠孝軍却而復進官勢以小船分軍五七十出柵外腹背攻之持火槍入蒙古軍特穆爾岱不能支大潰溺死三千五百餘人官勢盡焚其柵而還遂拜其左副元帥參知政事命習顯總其軍以守亳州官勢既敗特穆爾岱勢益暴橫居金主於照壁堂諸臣無一人敢奏對者於是內局令宋珪率御紐祜祿溫綽烏古遜愛實等密謀誅官勢且聞蔡州城池堅深兵衆糧廣威勸如蔡州會蔡忠陳頴等州便宜

總帥烏庫哩鎮運米四百斛至蕭德且請臨幸金主遂決策如蔡興珪等謀召宰相議事而令溫綽伏照壁堂門間官勢入溫綽從後刺其肋金主亦拔劍所之官勢中創投城下以走溫綽愛實追殺之忠孝軍聞變皆懷甲溫綽辭金主親撫慰之於是金主御雙門赦忠孝軍以安反側金主登歸德時久雨朝士屢從者徒行泥水中招黃最為糧足歷歲臘明日至薊州金主黃衣皂笠金兔額帶以青黃旗二薄前黃繼擁後從者二三百人馬五十匹而已城中父老拜伏道左金主遺近侍諭以國家涵養汝輩百有餘年今朕無德令汝塗炭朕不足冒汝輩無忘祖宗之德衆皆呼萬歲泣下留一日進次毫南六十里避雨雙溝寺中蒿艾滿目無一人迹金主太息曰生靈塗炭爲之一慟入蔡州以完顏仲德爲尙書右丞總領省事烏庫哩鎮爲御史大夫總帥如故仲德有文武才事無巨細率親爲之選士括馬繕治甲兵未嘗一日忘奉幸秦鞏之志近侍久困遷播幸卽安於蔡皆娶妻營業不顧遷徙旦夕言西幸不便時蒙古兵去蔡差遠商販漸集金主亦安之遣使分詣諸道選兵詣蔡得精銳萬餘兵威稍振忠孝軍提控李德率十餘人乘馬入省大呼以月糧不優幾肆罵罵仲德縛德杖之金主諭仲德曰此軍得力方以倚用卿何不容忍之仲德對曰時方多故鋒功隱過自陛下之德至於將帥之職則不然小犯則決大犯則誅強兵悍卒不可使一日不在紀律蓋小人之情縱則驕驕則難制睢陽之禍豈獨官勢之罪亦有司縱之太過耳今欲更易前轍不宜愛克厥威必由中罰則臣任其責軍士聞之無復敢犯法者時從官近侍皆窮乏悉取給於烏庫哩鎮鎮不能人滿其欲日夕譖於金主至以尙食闕供爲誚

金主怒遂疎錫鑄憂憤成疾多不視事

金主以齊克紳守中京有功降詔褒諭授中京留守又以參政內族色埒自南山領軍十餘萬入洛行省事齊克紳建一堂於洛州驪東名曰報恩刻詔文於石願以死自效蒙古自汴驪色埒之子於金昌府東門下誘色埒降色埒命左右射之既而聞竄立之變病不能語而死總帥烏凌阿呼圖代行使省事齊克紳行總帥府事月餘糧盡軍民稍散蒙古兵復至陳於洛南齊克紳陳於水北蒙古韓元帥匹馬立水濱招降齊克紳躍而射之雖奔還陳率步卒數百奪橋金軍有一卒獨立拒之殺數人齊克紳即手解都統銀牌佩之士氣復振初城外四隅至五門內外皆有屏牆之迷魂牆蒙古以五百騎追之齊克紳率卒二百鼓譟而出蒙古退走呼圖以蒙古兵強即以輕騎挈妻子奔蔡州應揚都尉獻西門以降齊克紳率死士數十突東門出轉戰至偃師力盡就執載以一馬擁追而行將見蒙古帥塔齊爾齊克紳語不遜兵卒誘之曰汝能北面一屈膝當貸汝命齊克紳不從左右持使北面齊克紳拗須南向遂殺之

金中京金昌府今河南府也蔡州今汝州府

孟珙大敗金武仙於馬蹬山降其將劉儀珙問仙虛實儀言仙所據九砦其大砦石穴山以馬蹬山為砦砦山三砦蔽其前三砦不破石穴未可圖也若先破離金砦則砦山沙窩孤立矣珙乃遣兵攻離金砦殺數人是夕復令壯士攜王子山砦斬金將首而出遂圍馬蹬殺砦山積遺至沙窩西與金人戰大捷未幾丁順復破默候里砦於是仙之九砦六日破其七珙召儀曰此砦既破板橋石穴必震汝能為我招之乎儀請遇婦人三百偽

適遇懷招安勝以往玳料仙勢窮感必上謁山絕頂窺伺乃令樊文彬駐軍其下已而仙眾果登山文彬應旗
伏兵四起仙眾失措枕藉崖谷殺其將烏沙惹擒七百三十人竊鎧甲如山薄暮玳進軍至小水河儀言仙謀
往商州依險以守然老稚不願北去玳曰進兵不可緩夜漏下十刻召文彬等投方略明且尊食敗行時積雨
未霽文彬患之玳曰此晝夜擒吳元濟之時也策馬直至石穴分兵進攻自寅至巳破之仙走追至鮎魚砦仙
望見易服而遁復戰於銀葫蘆山又敗之仙與五六騎奔追之隱不見降其眾七萬玳還襄陽

馬鹿山在淅川縣東鄧州西九

魯皆在其山上小水河即小澗河源自鄧州東南至新野入清九勢帖山在淅川東二十里石穴在其東十里鮎魚在淅川西十里餘未聞

蒙古都元帥塔齊爾使王機至襄陽約攻蔡州金主以重九拜天於節度使廳羣臣陪從成禮金主面諭之曰
國家自開創涵養汝等百有餘年汝等或以先世立功或以勞效起身披堅執銳積有年矣今當厄運與朕同
患可謂忠矣比聞北兵將至正汝等立功報國之秋縱死王事不失爲忠孝之鬼往者汝等立功常慮不爲朝
廷所知今日臨敵朕親見之矣汝等勉之因賜卮酒酒未竟還騎馳報敵兵數百突至城下將士踴躍咸請一
戰金主許之是日分防守四面及子城眾出戰蒙古兵潰奔塔齊爾以數百騎復駐城東金主遣兵接戰又敗
之自是蒙古不復薄城分築長壘圍之孟珙江海帥師二萬運米三十萬石赴蒙古之約塔齊爾大喜益修攻
具斷木之聲聞於城中城中益恐往往竊議出降完顏仲德日以國家恩澤君臣分義撫循其民且督辦禦備
未嘗入私室軍民感奮始有固志金裁冗員汰冗軍及定官吏軍兵月俸辛巳饑饉民老稚羸疾者出城旣而

出城者多言城中虛實復禁之蔡州攻圍益急金盡籍民丁防守民丁不足復括婦人壯健者假男子衣冠運木石金主親出撫諭之金人自東門出戰孟珙遮其歸路得降人言蔡城中飢珙曰已窘矣當并力守之以防突圍珙與塔齊爾約南北軍毋相犯塔齊爾遣張柔帥精兵五千薄城金人鈎二卒以去柔中流矢如蜚珙麾先鋒救之挾柔以出十二月珙進逼柴潭立柵潭上命諸將奪柴潭樓金人來爭諸軍魚貫而上遂拔柴潭樓蔡州恃彈爲固外卽汝水潭高於汝五六丈城上金字號樓伏巨弩相傳其下有龍人不敢近將士疑畏珙召麾下飲再行謂曰柴潭樓非天造地設伏弩能射遠而不可射近彼所恃此水耳決而注之淵可立待遂鑿隄潭果決入汝珙命寶以薪藎聚古亦決練水於是兩軍皆濟己卯攻外城破之進逼土門金人驅其老稚熬爲油號人油礮人不堪其楚珙遣道士說止之金帥富珠哩中洛索帥精銳五百夜出西門人荷束藁沃油其上將燒兩軍寨及礮具礮古兵先覺之伏於隱處挽強弩百餘火發矢亦發金兵却走傷者甚衆洛索僅以身免兩軍合攻西城克之因墮其城先是完顏仲德命築寨浚濠爲備及西城墮兩軍皆未能入但於城上立柵自蔽仲德摘三面精銳日夕戰禦金主謂侍臣曰我爲金紫十年太子十年人主十年自知無大過過死無所恨所恨者祖宗傳祚百年至我而絕與古荒淫暴亂之君等爲亡國獨此爲介介耳又曰亡國之君往往爲人囚繫或爲俘虜或辱於階庭或閉之空谷朕必不至於此卿等觀之朕志決矣以御用器皿賞戰士已而徵服率兵夜出東城謀遁去及柵遇敵兵戰而還殺廐馬以犒將士然其勢不可爲矣

柴潭在汝陽縣南三里秋水出陳山縣之樂山東至汝水入汝

樞工部侍郎趙范入見帝問近日何者爲急范奏曰事有本末有緩急獎廉退去姦邪此國之本務國未富兵未強此今日之急務也大農課額大虧於昔要必有由至於兵之未強則緣諸邊近年築城太多遂分兵力國家之兵聚則不少散則不多若能散能聚可守可戰使江淮表裏皆有可恃之勢則戎馬侵突足以禦之矣帝問蒙古議和事范曰爲國廢之策則可宜和海上之盟其初堅如金石緣倚之太重備之不至遂以取禍此近事之可鑒者帝曰和豈可恃耶丁卯詔趙葵措置沿邊備禦緩急調遣並聽便宜趙葵入見帝問曰金與蒙古交爭和議如何葵對曰今邊事未強軍政未備且與之和一年無警當作兩年預備若根本既壯彼或背盟足可禦敵臣至淮東當修車馬備器械爲野戰之計固城壁濠隍爲強邊之圖更欲爲陛下經理屯田帝曰卿規模甚遠其殫意爲朕展布

(端平元年)孟珙同蒙古兵圍蔡州會飲吹笙相接城中飢窘歎息而已先是辛丑黑氣壓城上日無光出降者言城中絕糧已三月鞍靴敗鼓皆糜煮且聽以老弱互食諸軍日以人畜骨和芹泥食之又往往斬敗軍全隊拘其肉以食故欲降者衆珙乃令諸軍銜枚分運雲梯布城下金自被圍以來將帥戰沒甚衆以近侍分守四城蒙古兵鑿西城爲五門以入督軍鏖戰及暮乃退聲言來日復集是夕金主集百官傳位於東面元帥承麟時孟珙之師向南門至金字樓列雲梯令諸將聞鼓則進馬義先登趙榮繼之萬衆競入大戰城上烏庫哩錦及其將帥二百人皆降時百官稱賀禮畢亟出捍敵而南城已立宋輒俄頃四面鼓譟夾攻聲震天地南

面守者竊門走孟珙招江海塔齊爾之師以入完顏仲德帥精兵一千巷戰不能禦金主自經於幽闕軒仲德聞之謂將士曰吾君已崩何以戰爲吾不能死於亂兵之手吾赴汝水從吾君矣諸君其習爲計言訖赴水死將士皆曰相公殉國吾輩獨不能耶於是參政富珠哩小洛索烏凌阿呼圖總帥元志元帥裕珊爾赫舍哩柏壽烏庫哩和勒端及軍士五百餘人皆從死焉仲德狀貌不逾常人好賓客及薦舉人才人有寸長必極口稱道其掌軍務微罰明信號令嚴整故所至軍民咸樂爲用危急死生之際無一人有異志者帝選以後將相文武忠亮始終無瑕者仲德一人而已承麟退保子城聞金主殂率羣臣入哭奠未畢城破珙乃與塔齊爾分金主骨及寶玉法物承麟亦爲亂兵所殺金亡先是金有都提控舉資倫者爲邊將所獲囚於鎮江士獄脅誘百端終不肯降至此已十四年矣及聞金主自經歎曰吾無所望矣容吾一祭吾君乃降耳主者信之爲屠牛羊設祭鎮江南岸資倫祭畢伏地大哭投江而死

時方謀出師監察御史李宗勉言今朝廷安恬無異於常時士卒未精銳資糧未充衍器械未犀利城壁未繕修於斯時也守禦猶不可而況進取乎借曰今日得蔡昉日得海又明日得宿瑄然得之者未必可守萬一倉猝忿變生倉猝將何以濟臣之所陳豈曰外患終不可平土宇終不可復哉亦欲量力以有爲相時而後動耳願詔大臣愛日力以修內治合衆謀以嚴邊防節冗費以裕邦財招強勇以壯國勢仍飭沿邊將帥毋好處名而受寶害左控右扼勿失機先則以逸待勞以主禦客庶可保其無虞苟使本根壯固士馬精強觀釁而動

用兵未晚也

主管官告院張煜進對帝問以邊計煜對曰蒙古非金甌可比但和議難恃須遇將練兵儲財積粟自固吾圉俟小使回可和則姑與之和然不可撤備帝然之

召許應龍爲禮部郎官初應龍知湖州盜賊三槍起潁州出沒江西閩廣間與鍾全相結勢甚熾逼害陳韓帥江西任應龍討捕應龍調水軍士兵分扼要害斷橋開壑斬木塞途諭統帥官齊敏曰兵法攻瑕今鍾全殘寇將盡而陳三槍勢方猖獗若先破鍾則陳不戰而斃矣敏如其言於是諸寇皆平至是召入對帝謂之曰卿治潮有聲與李宗勉治台齊名應龍曰民無不可化願牧民者如何耳遷國子司業

史嵩之進兵部尙書時趙范趙葵欲乘時撫定中原建守河據關收復三京之議朝臣多以爲未可獨鄭清之力主其說乃命趙范移司黃州刻日進兵范多議官邱岳曰方興之敵新盟而退氣盛鋒銳甯肯捐所得以與人耶我師若往彼必突至非惟進退失據開釁致兵必自此始且千里長驅以爭空城得之當飭餽餉後必悔之范不聽嵩之亦言荆襄方爾饑饉未可興師淮西運判杜杲上言曰臣備員邊郡切見沿淮旱蝗連歲加以調發無度輦運不時生聚蕭條難任征發中原板蕩多年不耕無糧可因千里饋運士不宿飽若虛內以事外移南以實北腹心之地豈不可慮番行簡時在告上疏曰方今境內之民困於州縣之貪刻扼於勢家之兼并賑濟之根常欲乘時而報怨茶鹽之寇常欲伺間而竊發蕭牆之憂深未可保萬一兵興於外綴於強敵而不

得休潢池赤子復有如江閩東浙之事其將奈何夫民至愚而不可忽內郡武備單弱民之所素易也往時江閩東浙之寇皆藉邊兵以制之今此曹獫狁伏山谷窺伺田里彼知朝廷方有事於北方其勢不能以相及甯不動其姦心臣恐北方未可圖而南方已先驩動矣願堅持聖意以絕紛紛之說淮西總領吳潛亦告執政論用兵復河南不可輕易以金人既滅與蒙古爲鄰法當以和爲形以守爲實以戰爲應自荆襄首納空城合兵攻蔡兵事一開調度寔廣百姓狼狽死者枕藉得城不過荆榛之區獲俘不過暖昧之骨而吾之內地荼毒已甚近聞有進恢復之畫者可謂倏然取之若易守之實難征行之具何所取資民窮不堪激而爲變內郡率爲盜賊矣今日之事豈容輕議皆不聽詔知廬州全子才合淮西兵萬人赴汴時汴京都尉李伯淵李琦李賤奴等爲糧立所侮謀殺之及聞子才軍至伯淵等以書約降而陽與立謀備禦之策立不知伯淵等已遂爲所殺全子才次於汴趙葵自滁州以淮西兵五萬取泗州由泗趨汴以會之葵謂子才曰我輩始謀據關守河今已抵汴半月不急攻洛陽潼關何待耶子才以糧餉未集對葵督促益急乃檄鈐轄范用吉樊辛季先胡顯等提兵萬三千命淮西制置司機宜文字徐敏子爲監軍先令西上又命楊誼以廬州強弩軍萬五千繼之各給五日糧徐敏子敢行遣和州甯淮軍正將弘迪以二百人趣洛陽迪至城下城中寂然無應者至晚有民庶三百餘家登城投降迪與敏子遂帥衆入城蒙古國王塔斯已引兵南下時汴隄決水窟泛溢糧運不繼所復州郡皆空城無兵食可因敏子入洛之明日軍食已竭乃采蒿和麵作餅而食之楊誼至洛東三十里方散坐

李安博古塔驛前鋒將劉李安橫槊躍馬奮突而前南師奔潰擁入洛水死者無數誼僅以身免塔齊爾村
李安博曰真驍將也是晚有潰卒奔告於洛者在洛之師皆奪氣蒙古兵至洛陽城下立營徐敏子與戰勝負
相當士卒之糧因殺馬而食敏子等不能留乃班師趙葵金子才在汴亦以史嵩之不致餽糧用不繼蒙古兵
又決黃河寸金淀之水以灌南軍南軍多溺死遂皆引師南還

朱揚祖林拓以八陵園上進帝問諸陵相去幾何及陵前澗水新復揚祖悉以對帝忍涕太息久之初揚祖等
行至襄陽會議報蒙古哨騎已及孟津陝府潼關河南皆增屯戍數伏兵又聞淮閫刻日進師衆畏不前孟珙
曰淮東之師由淮西溯汴非旬餘不達吾選精騎疾馳不十日可竣事遣師至東京吾已歸矣於是珙與二使
晝夜兼行至陵下奉宣御表成禮而還

召真德秀爲翰林學士德秀上封事曰移江淮甲兵以守無用之空城運江淮金穀以治不耕之廢壤富庶之
效未期根本之弊立見惟陛下重之旋進戶部尚書

二年以帶御器械兼樞主管侍衛馬軍行司公事孟珙黃州駐劄珙入對帝問恢復珙對曰願陛下寬民力
蓄人材以俟機會問和議珙曰臣介冑之士當言戰不當言和賜賫甚厚珙至黃增埽濬隄蒐討軍實邊民來
歸者日以千數爲屋三萬間以居之厚加賑貸又慮軍民雜處因高阜爲齊安鎮淮二營以居諸軍

前權發遣肇慶府陳雷奮入對言廣東民兵首領事帝曰廣東民兵之制如何雷奮曰止爲保衛鄉井無調發

之撥無出戍之勞且臣所奏民兵不止爲廣東設伏見親政以來百度振飭未見成效大驗者何也良由竭東南之力養百萬之兵財力既竭內治不易兵力既殫外攘亦難願陛下於民兵加之意非惟可以摧姦雄之膽絕盜賊之萌當不費億萬而盡得天下精勇之用帝曰廣西曾行之否雷霽曰廣西前後帥臣未能行此然二廣賴民兵之用爲多如向者廣東峒寇陳三槍之叛招捕陳韓正藉民兵協力收獲如近者廣州戍卒之叛既自兵變自難以本州之兵制之崔與之實率首領民兵登城捍禦叛卒遂遁此皆已試之效陛下若由二廣推而行之澤被生靈者廣矣帝首肯再三

蒙古主命皇子庫端庫春等侵蜀漢及江淮又命皇子庫裕克姪莽實扣伐西域唐古婁庫齊伐高麗蒙古人每甲一人西征一人南征中州戶每戶一人南征一人征高麗初議者欲遣回人征江南漢人征西域以爲得制御之術耶律楚材曰不可中原西域相去遼遠未至敵境人馬疲乏氣水土異宜疾疫將生宜各從其便從之

臣僚請宣諭沿江兩淮荆襄帥各釋私憾協志同謀調度通用急難相濟或玩視詔書復相疑貳書退之選大臣有實望者俾居督府或昇宣撫之任置之荆淮之間統帥列聞專其節制而總事權不惟平居暇日調一其心臨事之際亦可如臂指之相使從之

都官郎官葛逢曾趙范趙葵陳韓素不同心帝曰置兩督視須可使諸將協和逢又言人才難得過有小大當

多事時亦當斟酌而用之帝曰有過者不可例棄

臣察言敵使蜀境制臣趙彥呐連年調度師老財殫兵分力薄若上流不固則吳楚有衝決之勢願以保蜀爲念倘有申請悉爲報從或遣襄陽援兵早爲起發請司應於錢物無分彼此悉力傾助以扶其危從之

蒙古庫端入沔州知州事高稼死之稼在沔葺理創殘招集流散民皆襁負歸之及數與蒙古力戰奇功甚多至是庫端自鳳州入西川東路之師多敗遂擄西池谷距沔九十里吏民譴退保大安稼言於制置使趙彥呐曰今日之事有進無退若能進據險地以身捍蜀敵有後顧必不深入如倉皇召兵退守內地敵長驅而前蜀事去矣彥呐曰是吾志也已而竟行留稼守沔蒙古自白水關入六股株距沔六十里沔無城依山爲阻稼升高鼓噪盛旗鼓爲疑兵彥呐至置口帳前總管和彥威以軍還沔召小校楊俊何璘以兵會又選精兵千人命王宣師以助之已而蒙古兵大至璘遁沔州遂破衆擁稼出戶稼叱之不能止敵圍殺之彥呐聞稼死沔州破乃進屯青野原蒙古圍之曹友聞曰青野爲蜀咽喉不可緩也卽往救之夜半截戰遂解其圍旣而蒙古先鋒汪世顯擄大安友聞又救之指揮甫畢蒙古衆數萬突至友聞迎戰又敗之蒙古乃退友聞遂引兵入扼仙人關友聞彬十二世孫也

西池谷在沔縣西北白水關在留美西南九十里六股株在沔縣西置口在略陽東北鳳縣西南卽沮口也青野原在略陽北百四十里

(三年)前知安豐軍王瓚言今日備邊之計宜於新復州軍留恩以衛光留壽春以衛安豐留泗以衛招信留

澠水以衛山陽帝曰正欲如此瓚又論沿邊事宜以節制多門爲慮帝曰開督府正欲統一事權

招信軍今盱眙

京湖制置使趙范在襄陽以北軍主將王旻李伯淵樊文彬黃國弼等爲腹心朝夕酣狎民訟邊防一切廢弛既而南北軍交爭范失於撫御旻伯淵焚襄陽城郭倉庫降於蒙古時城中官民尙有四萬七千有奇財粟在倉庫者無慮三十萬軍器二十四萬金銀鹽鈔不與焉皆爲蒙古所有南軍大將李虎因亂刼掠襄陽一空自岳飛收復以來百三十年生聚繁庶城池高深甲於西陲一旦灰燼范削三官落職仍舊職任

左司諫李宗勉上言均房安新光化等州兵禍甚烈然江面可以無憂者獨有襄陽今又告變矣襄陽失則江陵危江陵危則長江之險不足恃昔之所慮猶在秋冬今之所慮祇在旦夕江陵或不守則事迫勢蹙必有危亡之憂悔將何及

帝追悔開邊聲命學士吳泳草詔罪己監察御史王萬謂泳曰用兵固失計之甚恐亦不可示弱今邊民生意如髮宜以振厲奮興咸人心泳然之癸丑詔曰朕猥以眇躬獲承丕緒屬營金之寢滅而蒙古之興鄰不利西南蓋嘗隨階成而撥輿沔其在辛卯遽乃穿金房以瞰襄樊逮合謀成破蔡之功恐假道有及虞之勢心之憂矣臍可噬乎固將布失於國中以志吾過但使留屯於塞下自守我疆忽西隣之弗甯駭北騎之深入重以均房之叛將發此京湖之禍機肆荼毒於列城至蔓延於他路兵民之死戰鬪戶口之困流離室廬靡存骸骨相望致獲師之暴露及科役之繁苛爲之驟然有足憫者是皆朕明不能燭德有未爭上無以格乎天之心下無以定乎民之志遂令有衆多告非辜朕方施令發政以爲緩輯之圖補卒蒐乘以嚴守禦之備想瘡痍之溢

目如疾病之在身咨爾輩倣體予至意

蒙古復破隨鄧二州及荊門軍殿中侍御史李宗勉率全臺言曰蜀之四路已失其一二成都隔絕莫知存亡諸司退保夔門未必能守襄漢昨失九郡今鄧破荊門又破江陵孤城何以能立兩淮之地人民奔走并邑邱墟陛下誠能亟下哀痛之詔以身率先深自貶損出內帑儲蓄以風動四方然後勸諭戚畹世臣隨力輸財以佐公家之調度分上流淮東淮西爲二帥而以江淮大帥總之或因今任或擇長才分地而守聽令而行公私之財分給四處俾之招潰卒募流民之強壯者以充游兵以補軍籍仍選沿流諸郡將士爲捍禦之圖猶可支吾不然將水陸俱下大合荆楚之衆擡我上流江以南震蕩矣或謂其勢強盛宜於講和欲出金帛以奉之是抱薪救火空國與敵也

御前諸軍統制曹友聞與蒙古戰於大安軍陽平關敗績死之初友聞帥師扼仙人關謀報蒙古合蕃漢軍五十餘萬將至友聞謂弟萬曰國家安危在此一舉衆寡不敵豈容浪戰惟當乘高據險出奇設伏以待之蒙古攻武休關敗都統李顯忠軍遂入興元欲衝大安軍制置使趙彥呐檄友聞控制大安以保冑口友聞馳書彥呐曰沔陽蜀之險要吾重兵在此敵有後顧之憂必不能越沔陽而入蜀又有曹萬王宣首尾應援可保必捷大安地勢平曠無險可守正敵騎所長而吾步兵所短況衆寡不敵豈可以平地控禦彥呐不從友聞計以寡衆衆非乘夜出奇內外夾擊不可乃遣弟萬及友諒引兵上雞冠隘多張旗幟示敵堅守自選精銳萬人夜渡

江寧往流溪設伏約曰敵至內以鳴鼓舉火爲應外呼殺聲蒙古兵果至萬出逆戰蒙古巴圖魯及塔爾海帥步騎萬餘人往來搏戰矢石如雨萬身被數創令諸軍舉烽友聞分所部爲三以禦敵親帥精兵三千人疾馳至隘下先遣統領劉虎帥敢死士五百人衝敵前鋒不動友聞乃伏三百騎道旁而令虎銜枚突陳會大風雨諸將請曰雨不止津渚沒足宜俟少驢友聞叱曰敵知我伏兵在此緩必失計遂擁兵齊進西軍素以綿裘代鐵甲經雨濡溼不利步騎黎明蒙古以鐵騎四面圍繞友聞歎曰此殆天乎吾有死而已於是血戰愈厲與俱死軍盡沒蒙古兵遂長驅入蜀事聞賜友聞諡毅節

陽平關在甯羌州東北九十里仙人關在鳳縣西南百二十里武休關在鳳縣西南百餘里大安軍在沔縣置

口在鳳縣西南三十里雞冠隘在沔縣西南六十里

蒙古特穆爾岱攻江陵史嵩之遣孟珙救之珙遣張順先渡江而自以全師繼其後易旌旗服色循環往來夜則烈炬照江數十里相接又遣趙武等與戰珙親往節度遂破蒙古二十四營奪所俘二萬口而歸

蒙古將察罕攻真州知州邱岳部分嚴明守具周悉蒙古薄城輒敗岳乘勝出戰於胥浦橋以強弩射殺其致師者一人蒙古兵少却岳曰敵衆十倍於我不可以力勝也乃爲三伏設礮石符之西城兵至伏起礮發殺其驍將蒙古衆大擾岳遣勇士襲敵營焚其廬帳越二日始引去

軍器監兼樞樞密副都承旨王瑩請聯絡江淮賑卹邊民計捕盜賊帝曰江淮之勢如何瑩言不過重一關之權以統之帝曰流民可念瑩曰流民紛紛蟻聚弱者困斃强者剽掠帝爲之感額因曰江西之寇尙未平瑩曰

寇始於衡之鄧縣侵犯吉州今南安嗣寇又發向有淮兵可調今無以應遂集鄉丁合禁軍共爲剿除非以一官兼領兩路討捕之事則權不一帝曰如三節制之類堊曰事正如此願陛下思之帝曰然

（嘉熙元年）蒙古安撫爾魯於宗王曰隴西州縣方平人心猶貳漢中當隴蜀之衝宜得良將鎮之宗王曰安反側制盜賊此上策也然無以易汝遂分蒙古千戶五人隸之以往安撫爾魯遣將南戍河州之石門西戍階州之兩水謹斥壕嚴巡邊守禦遂固

石門鎮在嘉陽縣西北兩水疑卽曲水今文縣治也地當南北二水之曲故名兩水鎮

屯田郎官王萬進對帝曰卿是淮人熟知邊事對曰臣非知兵陸贄有言兵法無他人情而已但以人情區處卽是兵法帝問其說萬曰一和字沮衆誤國帝曰和亦不可廢萬曰若專立爲題則不可要當並爲戰守規模蒙古宗王昆布哈圖光州史天澤先破其外城攻子城又破之進次復州南師以舟三千鎖湖面爲柵天澤曰柵破則復將自潰親執桴鼓督勇士四十人攻之不逾時柵破復州降進攻壽春天澤獨當一面南師夜出斫營天澤手所擊殺無數麾下兵繼至悉擁南師入淮水

昆布哈圖攻黃州孟珙引師救却之遂攻安豐杜杲繕宗守禦蒙古以火攻焚樓櫓杲隨陷隨補蒙古招敢死士爲巴陵營攻城以自效杲募善射者用小箭射其目巴陵營多傷而退蒙古填壕爲二十七壘杲分兵扼壘蒙古乘風縱火俄而風雪驟作杲募壯士奪壘路士皆奮躍力戰會池州都統制安豐呂文德突圍入城合力捍禦蒙古兵遂引還文德魁梧勇悍嘗觀薪城中趙葵見其遺履長尺有咫異而訪之值文德出獵驂負虎鹿各

一而歸召置帳下累功超遷軍職

蒙古兵攻慶府蜀兵陳江之南岸蒙古千戶郝和尚選驍勇九人乘輕舸先登橫馳陳中既出復入蜀兵大敗
○二年蒙古使王權入見議歲幣銀絹各二十萬李宗勉言輕諾者多後患當守元約然比之開禧時物價騰踊奚啻倍蓰矣史嵩之力主和議宗勉言使者可疑者三嵩之職在督戰如收復襄光控扼施遣招集山巒保固江流皆今所當爲若所主在和則凡有機會可乘不無退縮之意必致虛損歲月坐失事功

蒙古察罕帥兵號八十萬圍廬州期破廬造舟巢湖以侵江左於濠外築土城六十里鑿兩濠攻具數倍於攻安豐時杜杲竭力守禦蒙古築塼高於城樓杲以油灌草卽塼下焚之皆爲煨燼又於串樓內立雁翎七層俄敵中塼上衆驚杲乘勝出戰蒙古敗走杲追躡數十里又練舟師扼淮水道其子庶監呂文德齎斌伏精銳於要害蒙古不能進遂引軍歸詔加杲淮西制置使獎諭有功將士賞賚有差

○三年孟珙與蒙古三戰遂復信陽軍及樊城襄陽等又復光化軍恩蔡亦降珙因上奏曰取襄不難而守爲難非將士不勇也非軍馬器械不精也實在乎事力之不給爾襄樊爲朝廷根本今百戰而得之當加經理如時元氣非甲兵十萬不足分守與其抽兵於敵來之後孰若保此全勝上兵伐謀此不爭之爭也乃以蔡恩降人質忠衛軍襄鄧降人質牛鋒軍

蒙古兵攻重慶丙寅詔曰秋防將近邊警日聞朕旣命宰臣以督師正藉諸閫之協濟所宜一乃心力同應事

轉四川急則荆閫援之和濡急則江關援之真泰急則淮關援之務要聯絡貫通毋或棄越相視

孟珙知數古塔爾海等帥眾號八十萬南下策其必道施黔以遠湖湘乃請粟十萬石以給軍餉以二千人屯峽州千人屯歸州命瑄瑛以精兵五千駐松滋為聲援增兵守歸州隘口萬戶谷及蒙古至珙密遣諸將禦之又以千人屯施州蒙古既入蜀珙增置營砦分布戰艦遣兵間道抵均州防遏且設策備禦未幾蒙古渡

萬州湖灘施變動珙兄瑄時知峽州帥兵迎拒於歸州大極砦勝之遂復夔州

萬戶谷大極砦皆在歸州西湖灘在萬縣南

〔四年〕前漢川路運司吳申入奏抗言蜀事帝感恫久之帝曰蜀從前亦委寄非人申言竊邊郡不守卿損也故潰卒為亂桂如淵也思忠勇而不救趙彥呐也今彭大雅又險譎變詐大費防閑宜進孟珙於夔門以東南之力助之變穩足以自立帝是之

〔嘉祐二年〕倉部郎官趙希堅言蜀自易帥之外未有他策帝曰今日救蜀為急朕與二三大臣無一日不議蜀事孟珙亦欲竭力向前希堅曰當擇威望素著之人當夔峽要害建一大關帝曰重慶城堅恐自可守希堅曰重慶在夔峽之上敵若長驅南下雖城堅如鐵何救東南之危帝然之知梧州趙時學陞辭官與玠守蜀三關今胥失之固宜成都難守帝曰嘉定可守否時學曰若論形勢當守重慶帝曰若守重慶成都一路便虛時學曰重慶亦重地可以上接利閬下應夔峽

淮東安撫制置副使余玠入奏言事無大小須是務實又言方今世冑之彥場屋之士田里之豪一或即戎則

指之爲粗人斥之爲噲伍願陛下視文武爲一勿令偏重偏則必激非國之福帝曰卿人物議論皆不尋常可獨當一面以余玠機工部侍郎四川宣諭使應事干機速許同制臣公共措置先行後奏尋詔四川官吏軍民等悉條陳大計以聞余玠陸辭言外攘本於內修帝曰今日之事不必問敵運與不與但自靠實理會治內規摹玠曰聖諭及此宗社生靈之福帝曰卿前所言靠實工夫玩之有味此去必能見之行事卿宜務忠實以革欺誕施威信以戢潰衄廣恩愛以撫流移當爲四蜀經久之謀勿爲一時支吾之計

（三年）工部郎官兼樞密院編修官趙希譔言安豐處濠風寒最甚三州安則淮甸無虞江面莫枕帝曰安豐最緊希譔云欲固安豐須復壽帝然之

是秋蒙古察罕奏令萬戶張柔細諸軍鎮杞初河決於汴西南入陳留分而爲三杞屬其中渾南師恃舟楫之利由毫泗以窺汴洛柔乃卽故杞之東西中三山順殺水勢築連城結浮梁爲進戰退耕之計守禦以固樞密院編修官兼權都官何式冒蜀事帝曰正好乘暇作工夫時方倚任余玠故言及之先是蜀中財賦入戶部三司者五百餘萬緡入四總領所者二千五百餘萬緡金銀綾錦之類不預焉自寶慶三年失關外端平三年蜀地殘破所在州縣無幾國用益窘十六年間凡授宣撫使者三人制置使者九人副使四人或老或暫或庸或貪或懦刻鵠戾或遙領而不至或生隙而罕謀兩川民不聊生監司戎將各專號令日益壞及余玠至大更弊政遴選守宰築招賢館於府之左供張一如帥所居下令曰集衆思廣忠益諸葛孔明所以用蜀也士

欲有謀以告我者近則徑詣公府遠則自言於所在州縣以禮遺之高爵重賞朝廷不吝豪俊之士趨期立事
今其時矣士之至者玠不厭禮接咸得其歡心官有可用隨才而任不可用亦厚遺謝之播州冉繼及弟璞有
文武才隱居雲中前後聞帥辟召皆不至聞玠賢兄弟相率詣謁玠留之館穀加厚居數月無所言玠乃更
別館以處之且日使人窺其所爲兄弟終日不言惟對踞以壘壘地爲山川城郭之形起則漫去如是者又旬
日始見玠辨人曰爲今日西蜀之計其在徙合州城乎玠不覺躍起曰此玠志也但未得其所耳曰蜀口形勝
之地莫若釣魚山請徙諸此若任得其人積粟以守之勝於十萬師遠矣玠大喜遂不謀於衆密聞於朝請不
次官之詔以璫爲承事郎權發遣合州璞爲承務郎權通判州事徙城事悉以任之命下一府皆體然以爲不
可玠怒曰城成則蜀賴以安不成玠獨坐之諸君無預也卒築青居大獲釣魚雲頂天生凡十餘城皆因山爲
壘基布星分爲諸郡治所又移金州兵於大獲以饒蜀口移涪州兵於青居興州兵先駐合州舊城移守釣魚
共備內水移利州兵於雲頂以備外水於是如臂使指聯絡屯兵聚糧爲必守計民始有安土之心玠又作經
理四蜀圖以進曰幸假十年手挈四蜀之地還之朝廷然後歸老山林臣之願也按易言王公設險以守其國
雲頂山從涪州於順慶南二十五里青居山又徙隆慶於劍州小劍山頂苦竹隘徙蓬州於州東南二十里雲
山徙金州於蒼溪東三十里大獲山徙梓州於通江東百二十里得漢山徙夔州於其東十三里白帝山徙合
州於其東十二里釣
魚山雲山卽遷山也

〔四年〕初利州都統王夔奏殘悍號王夜叉自漢州敗歸益犍驚不受節度所至剽掠每得富家用非法刑殺

取金帛稍不遂意卽殺之民不堪命余玠至嘉定變率所部兵迎謁纔過二百人玠曰久聞都統兵精今疲敝若此殊不稱所望變曰變兵非不精所以不敢卽見者恐驚從人耳頃之班聲如雷江水爲沸旗幟精明舟中皆戰掉失色玠自若徐命吏班賞變退語人曰儒者中乃有此人玠欲誅變患其握重兵恐輕動危蜀謀於親將楊成成曰今縱弗誅養成其勢一舉足西蜀危矣變在蜀雖久有威名孰與吳氏吳氏當中興危難之時能百戰以保蜀傳之四世根本益固一旦讎爲叛逆諸將誅之如取孤豚况變無吳氏之功而有曠之逆心縱兵殘民奴視同列誅之一夫力耳待其發而取之難矣玠意遂決夜召變計事潛以成代領其眾變甫出而新將已單騎入營將士皆錯愕相顧不知所爲成以帥指臂曉之遂相率聽命變至玠斬之薦成爲文州刺史以四川安撫使孟珙兼知江陵府珙謂其佐曰政府未之思耳彼若以兵綴我上下流有急將若之何珙往則彼掃吾虛不往則誰實捍患識者是之珙至江陵登城歎曰江陵所恃三海不知沮洳有變爲桑田者敵一鳴輒卽至城外自城以東古嶺先鋒直至三汊無有限隔乃修復內隘十有一別作十隘於外有距城數十里者沮漳之水蓄自城西入江乃障而東之俾遠城北入於漢而三海遂通爲一隨其高下爲樞蓄洩三百里間渺然巨浸土木之功百七十萬民不知役繪圖上之

〔五年〕史嵩之從子璫卿嘗以書諫嵩之曰伯父秉天下之大政必能辦天下之大事膺天下之大任必能成天下之大功比所行漸不克終用人之法不待薦舉而改官者有之譴責未幾而旋蒙敘理者有之丁艱未幾

連被起復者有之僧曰有非常之才有不次之除曠恩異賞所以收拾人才而不知斯人者果能運籌帷幄獻大奇之策而得之乎抑亦獻賂慕賞而得之乎果能馳身鞍馬竭一戰之勇而得之乎抑亦效顰奴僕而得之乎徒聞苞苴公行政出多門便嬖私昵狼狽萬狀祖宗格法至今日而壞極矣自開督府東南民力困於供餉州縣倉卒匱於應辦釐金帛輓芻粟絡繹道路一則曰督府二則曰督府不知所幹者何事所成者何功近者川蜀不守議者多歸退師於鄂之失何者分戍列屯備邊禦敵首尾相援如常山之蛇維揚則有范葵廬江則有杜伯虎金陵則有別之傑爲督府者宜據鄂渚形勢之地西可以援蜀東可以援淮北可以鎮荆襄不此之圖悉捐藩籬深入堂奧伯父謀身自固之計則安矣其如天下蒼生何是以飢民叛將興虛擄危使軼於沅湘搖蕩於鼎澧蓋江陵之勢苟孤則武昌之勢未易守荊州之路稍警則江浙諸路焉得高枕而臥況殺降失信則前日微疆之計不可復用矣內地失說則前日清野之策不可復施矣此噫一開東南生靈特凡上之肉耳宋室南渡之疆土惡能保其金甌之無闕也蓋早爲之圖上以寬九重宵旰之憂下以慰雙親朝夕之望不然師老財殫續用不成主憂臣辱公論不容萬一不畏強禦之士繩以春秋之法聲以討罪不效之咎當此之時雖優游菽水之養其可得乎

(六年)京湖安撫制置大使饒路策應六使兼江陵府孟珙卒初珙招中原精銳萬五千餘人分屯漢北樊城新野唐鄧間嘗百戰之士號鎮北軍駐襄陽及王曼李虎軍亂鎮北亦潰珙乃重購以招之降者不絕敵古行

省范用吉亦密通降款以所受告命爲質珙曰於朝不從珙歎曰三十年收拾中原人心今志不克伸矣遂發病是月朔大星隕於境內聲如雷卒之日大風發屋折木珙隨父宗政立戰功忠君體國誓撫士卒軍中參佐部曲諸事皆人人異珙徐以片言折衷衆志皆愜建旗鼓臨將吏面色凜然無敢涕唾者退則連聲色薄滋味蕭然若事外追封吉國公諡忠襄

蒙古額爾布格聞蒙古主既立分遣心腹易置將佐散金帛賈士卒又命劉太平果拉噶拘收關中錢穀時瑯塔哈自先朝將兵屯大盤太平等陰相結納瑯塔哈復分遣人約成都之密喇卜和卓青居之奇爾台布哈同舉事是月額爾布格遂自稱帝於和林阿勒達爾及大盤守將瑯塔哈舉兵應之劉太平果拉噶聞麻希憲將至乘傳急入京兆謀爲變秦人前被阿勒達爾太平等威虐聞其來皆破膽越三日希憲亦至宣示詔旨遣人馳往大盤宣諭安撫未幾城門候引一急使至云來自大盤希憲詢之悉得太平果拉噶與瑯塔哈等要結狀希憲集僚佐謂曰主上命我輩正爲今日遂分遣人掩捕太平果拉噶等復遣劉難殊密喇卜和卓於成都汪惟正疎奇爾台布哈於青居又命總帥汪良臣率秦鞏諸軍進討瑯塔哈良臣以未得旨爲辭希憲卽解所佩虎符銀印授之曰此皆身承密旨君但辦吾事制符已飛奏矣良臣遂行又摘蜀卒四千命巴崇帥之爲良臣擊援會有詔敵至希憲命殺太平等於獄尸於通衢方出迎詔瑯塔哈知京兆有備西渡河趨甘州會阿勒達爾自和林帥兵至遂合軍而南諸王哈坦率騎兵與巴崇汪良臣兵合分三道以拒之既陳大風吹沙良臣令

軍士下馬以短兵夾其左腰出陣後潰其右而出巴嶺直搗其前哈坦勒精馳逃其歸路大戰於甘州東殺瑛塔哈阿勒達爾關肅悉平廉希憲乃遣使自劾停赦行刑徵調諸軍擅以良臣爲帥請罪蒙古主曰委卿方面之寄正欲從宜若拘常制豈不坐失事機詔賜希憲金虎符進平章政事行省奏獨如故以商挺參知政事以冷應澂知德慶府前守政不立縱聚吏漁獵峒獠遂爲變逼城六十里而營應澂未入境馳檄諭之曰汝等不獲已至此新太守且上轉禍爲福一機也苟從影附亦宜早計去就否則不免矣獠欲自歸不果衆稍引去應澂知其勢解即屬士馬出不意一鼓擒之乃請諸監司歸郡之避難留幕府者誅豪吏之激禍者應澂嘗曰治官事當如家事惜官物當如己物方今國計內虛邊警外警吾等受上厚恩安得清談自高以誤世陶士行卡望之吾師也

德慶州今屬肇慶府

二年）潼川安撫副使劉整以瀘州叛降蒙古賈似道既憾高達嘗世雄之輕己令呂文德摺據其罪逼世雄死達廢整惻憫會俞興帥蜀整素與興有隙而似道方會計邊費興遣吏下整整訴於朝不得達遂密送款於蒙古蒙古成都經略使劉凝遣其子元振往受其降諸將皆曰整無故而降不可信也元振曰宋權臣當國賞罰無章有功者往往以計除之是以將士離心且整本非南人而居瀘南重地事勢與李全何異整此舉無可異者元振至瀘整卽出降元振聚衆先下馬示以不疑明日請入城元振釋戎服與整並轡而入飲燕至醉整心服焉蒙古以整爲驍路行省兼安撫使蒙古由是盡得國事虛實而似道不以爲虞

蜀帥俞興以劉整叛移檄討之蒙古劉元援助整守瀘興進軍圍之晝夜急攻城幾陷左右勸元振曰事勢如此宜思變通整非吾人與俱死無益也元振曰人以城歸我既受其降豈可以急而棄之且瀘之得失關國家利害吾有死而已未幾援兵至元振與整出城合擊興大敗而還詔以興姑功敗戎罷任鎮職

馬光祖代趙葵與葵素有隙且迎合似道召吏稽勾簿書卒不能得其疵乃以正月望夕張燈宴設錢三萬緡爲葵放散官物聞於朝廷立信力爭之曰方艱難時趙公莅事勤勞而公以非禮擲拾之公一旦去此後來者復效公所爲可乎光祖怒曰吾不才不能爲度外事知奉朝命而已君他日處此勉爲之立信曰使立信不爲則已果爲之必不效公所爲也光祖益怒立信遂投劾去初立信通判江陵府葵制置荆湖嘗以公事劾立信及在沿江府亦謀譖寤諧立信與葵蓋未嘗有一日之歡也信州謝枋得以趙葵檄給錢粟募民兵守禦及會討者至信枋得曰不可以累宜撫自償萬緡餘不能辦乃上書似道有云千金而募徒木將取信於市人二卵而聚千城豈可聞於鄰國遂得免徵

(二年)蒙古江淮大都督李璫久萌異志前後所奏凡數十事皆悞疑虛喝以動蒙古而自爲完結益兵計至是召其子彥闌於開平修築濟南益都等城堡遂募蒙古戍兵以瀘海三城來歸獻山東郡縣請贖父過仍遣總管李穀等傳檄列郡詔授璫保信甯武軍節度使督視京東河北路軍馬封齊郡王復其父全官爵蒙古宣撫副使王璘聞李璫爲亂脫身走濟南蒙古主驛召之令姚樞問計璘曰璘子狂妄即敗矣蒙古主問樞曰卿

料何如對曰使瓊乘我北征之憂擄海撫燕關居庸懷賊人心爲上策與宋連和資固持久數擾北邊使吾
反於奔救爲中策如出兵濟南待山東諸侯應援此成擒耳蒙古主曰今賊將安出對曰必出下策蒙古主然
之蒙古命史樞阿珠各將兵赴濟南李璫帥衆出掠樞重將及城北蒙古兵邀擊大破之斬首四千璫退保濟
南蒙古主命諸王哈必齊總諸道兵擊李璫復命丞相史天澤往諸將皆受節制天澤至濟謂哈必齊曰璫多
驕而兵精不宜力角當以歲月斃之乃深溝高壘遏其侵軼行初軍總管張宏範臨發父柔謂曰汝圍城勿避
險地險則已無懈心兵必致死主者慮其險有犯必救可因以立功至是宏範營城西璫出兵突諸將營獨不
向宏範宏範曰我營險地璫乃示弱於我必以奇兵來襲遂築長壘內伏甲士外爲壕閉東門以待夜渡璫加
深廣明日璫果擁飛橋來攻未及岸軍陷壕中得升壕者突入壘門遇伏皆死連水今安東縣海州
朱曰東海縣三城未聞
蒙古命宋子貞參議軍事子貞至濟南觀形勢說史天澤曰李璫擁衆東來坐守孤城宜增築外城防其奔突
彼糧盡援絕不攻自破矣璫與天澤合遂築環城圍濟南璫自是不得出城西南有大湖互歷山史樞一軍獨
當其險夾湖而城豎木柵於湖中淫雨暴漲木柵盡壞樞曰賊乘吾隙俟夜必出命作荻炬數百置城上三鼓
賊果至飛炬擲之風怒火烈弓弩齊發賊大潰蹂躪死者不可勝記董文炳知其勢盛乃抵城下呼璫愛將田
都帥曰反者璫耳餘來卽吾人毋自取死也田縉城降璫猶日夜拒守分軍就食民家發其蓋藏以繼不足則
家賦之璫令以人爲食參議官姜賁曾於哈必齊曰聞王面受詔勿及無辜今城旦夕破宜早諭諸將分守城

門勿令縱兵不然城中無噍類矣哈必齊曰汝言城破解陰陽耶璦曰以人事知之哈必齊爲下令禁止璦知城且破乃手刃妻妾乘舟入大明湖自投水中爲蒙古所獲天澤殺之解其體以徇引軍東行未至益都城中人已開門迎降三齊復爲蒙古所有初璦兵有沂濶兩軍二萬餘人勇而善戰哈必齊以配蒙古諸軍陰使殺之文炳當殺二千人馳告哈必齊曰彼爲璦所荷耳殺之恐乖天子仁聖之意哈必齊從之然他殺者已衆皆大悔時山東尙未靖蒙古主以文炳爲經略使文炳至益都從數騎便服而入至府不設警衛召璦故將更撫諭於庭下所部大悅山東以安初天澤征璦蒙古主臨軒授詔委以專征天澤至軍未嘗以詔示人既還蒙古主慰勞之時言者謂璦之變由大藩子弟姦專兵民之權天澤奏罷之請自臣家始於是史氏及張柔嚴忠濟子弟皆還私第

歷山在濟南府南五里
大明湖在城內西北隅

蒙古闊達等路都元帥汪良臣以釣魚山險絕不可攻請就近築城曰武勝以扼南師往來從之

釣魚山
合州也

劉整賁於蒙古主曰南人惟恃呂文德耳然可以利誘也請遣使以玉帶饋之求置樞場於襄陽城外從之使者至鄂請於文德文德許之使者曰南人無信安盟等處樞場每爲盜所掠願築土牆以護貨物文德不許或謂文德曰樞場賦我之利且可以通好文德請於朝秋七月置樞場於樊城外築土牆於鹿門山外通互市內築堡壁蒙古又築堡於白鶴由是敵有所守以遇南北之援時出兵哨掠襄樊城外兵威益熾文德弟文煥知爲蒙古所賣以書諫止文德始悟然事無及徒自咎而已

鹿門山在襄陽府東三十里白
鶴即白馬山在府城東南十里

(五年)夏貴攻虎嘯山蒙古宜撫使張瑄新築城當礮皆裂立柵守之礮壞乃依大樹張牛皮以禦礮貴以城中飲於關外絕其水道瑄渴渴土中以糞與人日飲數合皆皆瘡裂堅守踰月不懈帥府參議熊德裕援之夜瑄令卒各持三炬貴驚走德裕追之敗貴於鵝谿虎嘯山未開疑在德川府北鵝谿在豐寧縣西北八十里

(咸治元年)夏貴率軍五萬攻瀘川蒙古都元帥劉元禮所領纔數千衆寡不敵諸將登城有懼色元禮曰料敵制勝在智不在力乃出戰貴軍却走復大戰於蓬溪自寅至未勝負不決元禮激厲將士曰此去城百里為敵所乘則城不可得入瀘川非國家有矣丈夫當以死戰取功名時不可失也即持長刀突陳將士咸奮貴兵大敗元禮元振之弟也蒙古主召而厚賈之命復還瀘川元禮遂立蓬溪寨蓬溪瀘川屬縣

(三年)蒙古都元帥阿珠使襄陽遂入南郡取仙人鑲城等柵俘生口五萬軍還南師邀之襄樊間阿珠乃自安陽繼以擒留精騎五千陳牛心嶺復立虛寨設疑火夜半南師至伏發大敗死者萬餘人仙人鑲城安陽未開牛心嶺在宜城西南二十里又接連安縣北有安陽縣疑迂連也

(四年)右正曹黃鍾言今守邊急務非兵農合一不可一曰屯田二曰民兵川蜀屯田為先民兵次之淮襄民兵為先屯田次之此足食足兵良策也不報

蒙古以劉整為都元帥與阿珠同議事整至軍中與阿珠計曰我精兵突騎所當者破惟水戰不如宋耳奪彼所長造戰艦習水兵則事濟矣初阿珠過襄陽駐馬虎頭山宿漢東白河口曰若築壘於此襄陽糧道可斷也

至是整亦禱祭白河口及鹿門山遣使以聞許之於是遂城其地呂文煥大懼遣人以蠟書告呂文德文德怒且誓曰汝妄冒邀功設有之亦假城耳襄樊城池堅深兵儲支十年令呂六堅守果整妄作春水下吾往取之比至恐遲去耳詎料襄樊之阿珠繼又築壘漢水中與夾江堡相應自是南軍援襄者皆不能進

白河口在府東北十里
鹿門山在府東二十里

〔十年〕蒙古以李楨為襄陽軍馬萬戶先是楨言於定宗曰襄陽乃吳蜀之要衝宋之喉襟得之則可為他日取宋之基本定宗嘉其言至是有此授從定宗遺意也

〔十一年〕帝諭輔臣曰昨覽京湖報程聽盧氏縣之捷差強人意朕以寡昧服祖宗之令緒兢業不敢荒懈適值十六七年應酬不暇鄭清之曰自古事業專在立志謝方叔曰今日實有機會吳潛曰今日事體漢中為四蜀之首襄陽為京湖之首浮光為兩淮之首此當在陛下運量中徐清叟曰願陛下益厲自強之志帝曰內修之事又當結人心貪污官吏為民害者不可不嚴加懲戮

浮字疑有誤

帝諭輔臣曰邊事未息武備當嚴五兵所先莫如弧矢昔神世衡守青洲日教習射羌人畏之其法可以推行詔諸路帥閫守臣繕明區畫詳報激勵使各自衛鄉井弓弩箭隻聽從其便

詔兩淮沿江京湖制司於江北地分及淮西山寨管內應有官屯民田耕種去處並令團結隊伍隨其聚落就中擇衆所服者充甲長任責結保有警率其所部務從便宜或有疎虞先懲頭目人有能勵率強壯精習武藝

者先與獎勵將來能出力應戰以真命施賞

(十二年)蒙古量經略司於忾分兵屯田自庫端取漢上諸郡因留軍戍境上繼而襄樊得四復降而壽州之民盡爲軍官分有由是降附路絕雖欲侵淮蜀軍將惟利則殺城無居民野皆榛莽至是皇弟呼必賈從統福之曾請於蒙古主量經略司於忾以孟克史天澤楊惟中趙鼎爲使俾屯田廣鄆等州授之兵牛敵至則戰退則耕屯西起懷遠東連清口橫據列陣守之

詔宰執曰近聞北騎之來往往備糧糴立寨據以爲因利乘便之計守臣邊將欲擲城退守則有老師費財之患欲閉關接戰又有兵連禍結之憂今朕欲於兩淮沿江各令立一項游擊軍以備不時調遣設若緩急隨宜應援使大軍備師據此正李廣繼部曲運水草馳飛將軍之遺意也又關邊疆之外皆平原曠野北騎奔突邊臣每有迅圖不及掩耳之患今朕欲令極邊州郡開濬水道去城百里之間三里一溝五里一溝使北騎不得長驅而入邊民亦可爲耕鑿之計此正古者立方田開溝洫以限戎馬之遺意也邊防二事久注朕懷茲與卿等共籌之帝又諭輔臣方田事且令近城爲之游擊軍當招水步各半謝方叔等曰容議行之

(寶祐元年)以余玠薨朝玠之治蜀也任都統張實任軍旅安撫王維忠治財賦監簿朱文炳接賓客皆有常度至於修學養士輕徭以寬民力薄徵以通商賈蜀既富實乃耀京湖之饒邊關無警又撤東南之戍自寶慶以來蜀關未有能及之者然久假便宜之權不顧嫌疑昧於勇退遂來關口又置構捕房雖足以廉得事情

然寄耳目於羣小故人多懷疑懼及聞召不自安一夕暴卒或謂仰藥死蜀人莫不悲之

按余琬之事處功名之原者可以爲監不

獨明哲保身之義亦宜爲國自愛也

蒙古皇弟呼必賽征雲南師次武刺分兵三道大將烏蘭哈達由西道諸王素赫由東道呼必賽由中道乙巳留輜重於滿陀城率師前進蒙古兵過大渡河又經行山谷二千餘里至金沙江乘革囊及檣以渡摩娑蠻主索和爾圖迎降其地在大理北四百餘里呼必賽遣使諭大理降時僧子聰在軍中每贊皇弟以天地之好生王者之神武不殺皇弟契其言烏蘭哈達分兵攻白蠻所在寨棚以次下之獨阿達喇所居半空和寨依山枕江牢不可拔使人覘之嘗當先絕其汲道烏蘭哈達率精銳立礮攻之阿達喇遣兵來拒烏蘭哈達使其子阿珠迎擊之寨兵退走遂并其弟阿蘇城俱拔之辛丑白蠻送款蒙古中道兵薄大理城初大理主段智興微服國事皆決於高祥是夕祥率眾遁去皇弟呼必賽遣使追之皇弟既入大理曰城破而我使不出計必死矣越四日西道兵亦至命姚樞搜訪圖籍乃得使者之尸皇弟怒將屠其城樞及僧子聰張文謙諫曰殺使拒命者高祥耳非民之罪請宥之樞裂帛爲旗書止殺之令分統衙陌大理之民賴以全活蒙古兵出龍首關獲高祥斬於姚州皇弟呼必賽班師留烏蘭哈達攻諸蠻之未下者以劉時中爲宣撫使

武刺未聞事案皇主山在今夏江府界龍首關在大理府北

是春蜀中旱蒙古諸將以嘉陵滑丹水堰欲築益昌去汪德臣曰國家以蜀事付我有死而已奈何棄之盡殺

所獲馬士與嘉川得糧二千餘石雲頂山戍將呂達將兵五千邀擊之復得糧五千餘石既而魚關金牛水陸運備至屯田亦登食用遂給

蒙古烏蘭哈達攻烏魯克羅都府蠻酋高昇托戰大破之進至其所都押赤城城際瀕池三面皆水既險且堅遇賊勇以礮摧其北門縱火焚之皆不克乃大震鼓鉦進而作作而止使不知所爲如是者七日伺其困乏夜五鼓遣其子阿珠濟師躍入亂斫之遂大潰至昆陽擒其國王段智興餘衆依阻山谷分命裨將擒獲約二百擄而內向及圖合阿珠引誓射者二百騎四面進擊烏蘭哈達陷陳廬戰又攻繼寨拔之至乾德格城烏蘭哈達病委軍事於阿珠環城立礮以草填塹衆軍始集阿珠先率所部搏戰城下遂破其城

蒙古城光化舊治帝問光化事體謝方叔言增築光化在漢江之北欲以溫和守光化令在兩奴堡對江與之相持均州撤光化上流已令增兵爲備詔溫和知光化軍

牟子才上言蜀尾吳楚二萬里今兩淮惟賈似道荆蜀惟李曾伯二人而已可爲寒心宜於合肥別立淮西制置司江淮別立荆湖制置司且於建楚光黃均房巴閬縣劍要害之郡或增城或增戍以守之賈似道聞之怒曰是欲削吾地也

蒙古張柔以連歲勦兵兩淮艱於糧運奏請據毫之利蒙古主乃詔柔鎮臨州率山前八軍城之柔又以渦水北淺隘不可舟軍既病涉曹濮魏博粟皆不至乃築甬路自毫抵汴隄百二十里流深而不可築復爲橋十五

或廣八十尺橫以二堡戍之渭水無源實城以下
不盈尺故不可舟

（三年）蒙古張柔會大帥於符離以百丈口為宋往來之道可容萬艘遂築甬道自亳而南六十餘里中為橫

江堡又以路東六十里皆水可致宋舟乃立柵水中密置偵騎於所達之路由是鹿邑甯陵考城柘城楚邱南

頓無宋患陳蔡潁亳無不達百丈疑即潁州西北之百尺口
也楚邱今曹縣南頓今項城縣

（四年）帝諭輔臣累年北騎涉渡淮可於沿邊措置防遏董槐言敵有謀攻聚陽軍者近吳淵已焚其所立寨

會帝曰可早取光化如蜀之隘口淮之舊海皆當諭聞臣及時圖之若根蒂已固可無後患

帝諭輔臣曰秋防不達宜事事為之備董槐曰羅鬼國報思播州謂北兵留大理招養蠻人為嚮道此甚可憂

帝曰彼不能支駸駸及我矣董槐言瀘淑之上壁并設險以待敵兵此事不可吝費程元鳳曰宜令播州以兵

助羅鬼制司以兵助播州詔以銀萬兩使思播約羅鬼為援思今思南府播今道義府羅鬼者羅甸
也今貴陽安順等地思播州在其東北

帝問輔臣曰吳淵乞募兵以備瀘淑思播何以應之程元鳳曰欲令淵且募兵五千至夔門瀘淑有急則援瀘

淑思播有急則援思播東可以捍金洋南可以庇歸峽却從沿江調兵五千以補京湖之數瀘今瀘州淑今叙
州夔門今夔州

是歲蒙古烏蘭哈達征白蠻阿珠生擒其驍將獻俘闕下詔以便宜取道與蜀帥合兵烏蘭哈達遂出烏蠻渡

瀘江剽掠三城擊破宋兵奪其船二百艘於馬湖江遂遇道於嘉定重慶抵合州擒蜀江與汪德臣等會

此言雲南之蠻也瀘江今
金沙江馬湖江在馬邊縣

(五年)蒙古軍文勝既城光化棄陽備糧糧會攻襄陽樊城兩據漢江北阻湖水卒不得渡文勝夜帥兵於湖水狹隘處伐木拔根立於水濱以薪草爲橋頃之即成至曉兵悉渡圍已合城中大驚文勝復統軍前行擊外城襄陽守將高進力戰於白河乃還

帝謂輔臣曰昨日經筵有以邊臣久任爲言者朕諭之曰李漢超守關南十七年郭進守山西二十年官皆止於觀察使久任邊臣乃祖宗取將帥服中外之法也程元鳳對曰誠宜率由舊章

帝曰播州乞兵起事勢頗危急當令夾擊程元鳳曰已令朱禔孫襲其後呂文德遇其前卽聖訓所謂夾擊也時朝廷徒託空言幸蒙古兵未入境耳按後託空言而無實用最爲宋人通病大抵天下之務難論百端不無力行一事

蒙古烏蘭哈達進兵壓交南境安南國王陳日嬰隔洮江列象騎步兵甚盛烏蘭哈達分軍爲三隊濟江齊齊克圖從下流先擣大師居中喇馬懷圖與阿珠在後仍授齊齊克圖方略曰汝軍既濟勿與之戰彼必來逆我喇馬斷其後汝伺便奪其船壘若潰走至江無船必爲我擒矣師既登岸卽與戰齊齊克圖違命安南人雖大敗得獨舟逸去烏蘭哈達怒曰先鋒違我節度國有常刑齊齊克圖懼飲藥死烏蘭哈達入安南日嬰遁入海島蒙古得前所遣使於獄中以破竹束體入膚比釋縛一使死因屠其城日嬰詣款烏蘭哈達乃大發軍士而還洮江與花江之下流也自散化土司入越南界

帝曰昨付出黃平圖其間險要處皆當置屯程元鳳言黃平清浪溪三處當審度緩急分置大小屯

〔六年〕蒙古主命諸王額埒布格居守和林阿勒達爾輔之自將南侵由東勝河渡次大盤山軍四萬號十萬分三道而進蒙古主由隴州趣散關諸王穆格由梓州趣米倉道萬戶額埒布格由潼關趣河州帝曰成都係蜀安危不可不亟圖之丁大全對曰朝廷既已示勦何事不可爲時邊境危急而大全習爲便給如此蒙古主進次漢中都元帥縛埒留塞喇卜和車劉巖等守成都自率衆渡馬湖獲守將張寶遺之招諭苦竹隘寶入隘遂與守將楊立堅守蒙古主入利州觀其城池並浸惡以汪德臣能守賜卮酒獎諭之遂渡嘉陵江至白水命德臣遣浮梁以濟進次劍門蒙古主進攻大獲山遣王仲招守將楊大洲大洲殺之蒙古主督諸軍力攻大洲懷遠以城降准官趙廣死之大洲逃歸蒙古主怒欲屠其城將官李呼喇齊曰大洲去事未可測當亟追之乃單騎至城下門未閉大呼入城曰皇帝使我撫汝軍民卽下馬執大洲手曰上方宣諭賞賜不待而來何也大洲曰恐城寨有他變是以亟歸耳因與偕來蒙古主大悅以大洲爲都元帥以蒙古兵入蜀詔荆湖制置使馬光祖移司峽州向士鑑移司紹慶府時士鑑不俟朝命進師歸州掎搃黃百萬以供軍費光祖亦不待奏請招兵萬人捫銀蕩兩以募壯士迎戰於房州昭光祖士鑑各進一秩

東勝州在歸化城西六盤山在固原州西南米倉山在南鄭縣東南江縣北苦竹隘在小

盤山上白水在昭化縣北唐元西兩又西南則劍門矣大盤山在秦嶺東紹慶府今彭水縣房州今房縣

〔開禧元年〕蒙古主命降人晉國寶招諭合州守臣王堅執之殺於闕武場蒙古主遂命大將瑛塔哈以兵二萬守大盤奇爾台布哈守青居山命縛埒造浮梁於涪州之隴市以杜援兵二月蒙古主自雞爪灘渡庑抵合

州城下俘男女萬餘，力戰以守。蒙古主會師圍之，合州受圍自二月至於六月，王堅固守，力戰。蒙古主屢督諸軍攻之，不克。前鋒將汪德臣遇兵夜登外城，望率兵逆戰，迎德臣，單騎大呼曰：「王堅，我來活汝！」一城軍民宜早降，語未既，幾為飛石所中，因得疾卒。會天大雨，攻城梯折，後軍不克進，而止。蒙古主徂於釣魚山，史天澤與羣臣奉喪北還。於是合州圍解。

青居山在順慶南三十五里，蘭市在涪州西六十里，雅不圖在合州東北釣魚山，皆合州城所在。

蒙古皇弟呼必賚遣楊惟中、郝經宣撫京湖江淮，將歸德軍先至江上，經言於皇弟曰：「經聞天下之事於未然，則易救；天下之事於已然，則難。已然之中復有未然者，使往者不失而來者得遂，是尤難也。國家奮起朔漢，滅金源并西夏，蹂躪襄克，成都平大理，躡諸夷奄征四海，垂五十年，遺黎殘姓游氣魂虛，劉劉盪殆，欲殲盡自古用兵未有若是之久且多也。且括兵率賦，朝下令夕出師，闔境大舉伐宋而國混一，以志則銳以力則強而術則未盡也。苟於諸國既平之後，創法立制，敷布條綱，任將相遇，賢能平賦，足用屯戍，足食內治，既舉外禦，亦備今西師之出久未，即功兵連禍結，底安於危？王宜遣人稟命行在，遣使諭宋令降，名進幣割地納質，優兵恩民以全吾力，而國後舉，稟命不從，然後傳檄示以大信，使知殿下仁而不殺之意。一軍出襄鄧，一軍出壽春，一軍出維揚，三道並進，東西連橫，殿下處一軍為之節制，使我兵力常有餘裕如是，則未來之變或可弭已。然之失或可救也。丙戌會兵渡淮，皇弟由大勝關張柔由虎頭關分道並進，南軍皆遁。壬辰次黃陂，得沿江制置司榜有云：「今夏曠者聞北兵會，賊取黃陂民船，繫棧由陽邏堡以渡，會於鄂州。」皇弟曰：「此事前所未有，願如

其言時沿江制置副使袁玠徵漁利虐甚蒙古兵至黃陂漁人獻舟爲嚮導九月壬寅朔親王穆格自合州遣使以憲宗凶問告皇弟諸北還以繫人望皇弟曰吾奉命南來豈可無功遽還甲辰登香爐山俯瞰大江南軍以大舟扼江軍容甚盛薩文炳言於皇弟曰長江天險宋所恃以爲國勢必死守不奪其氣不可臣請嘗之乙巳文炳率死士數百人當其前令其弟文用文忠載樓船鼓樓疾趨叫呼畢奮鋒既交文炳磨衆趨岸搏戰南軍大敗明日率諸軍渡江軍士有擅入民家者以軍法從事凡所俘獲悉縱之進圍鄂州中外大震

大勝關在黃陂北八

十里虎頭關在麻城東北七十里陽邏關在黃州府西百二十里香爐山在漢陽縣西南

以吳潛爲左丞相兼樞密使賈似道爲右丞相兼樞密使職任依舊屯漢陽以援鄂潛入相首言鄂渚被兵湖南擾動推原禍根由近年姦臣檢士設爲虛譏迷國誤君附和逢迎仁賢空虛名節喪敗忠嘉絕譽諛佞成風天怒而陛下不知人怨而陛下不察致兵戈之禍積爲宗社之憂章鑑高鑄嘗與丁大全同官傾心附麗躡蹠要途蕭秦來等輩小喻吾國事日非浸淫至於今日沈憂寶趙興憲之腹心爪牙而任姦臣甘爲之搏噬姦黨盤踞血脈貫穿以欺陛下致危亂者皆此等小人爲之宜令大全致仕爰等與祠鑄等罷管州軍不報

時邊報日急臨安團結義勇招募新兵增築平江紹興慶元城堡朝野震恐內侍董宋臣請帝遷都四明以避鋒鏑軍器大監何子舉言於吳潛曰若上行幸則京師百萬生靈何所依賴御史朱鑑孫亦言鑾輿一動則三邊之將士瓦解四方之盜賊蜂起必不可會皇后亦請留蹕以安民心帝遂止海甯節度使判官文天祥上言

請斬宋臣不報

唐元今附錄
府即因明也

蒙古圍鄂州都統張勝權州事以城危在旦夕登城諭之曰城已為汝家有但子女玉帛皆在將臺可從彼取
蒙古信之遂焚城外民居將退會高逸等引兵至賈似道亦屯漢陽為援蒙古乃復進攻遣徽辰巴圖爾領兵
問降人諭鄂州使降抵城下勝殺降者以軍出襲徽辰巴圖爾蒙古兵勢屢勝戰死達嬰城固守先是達恃其
武勇殊易似道每見督戰即戰之曰鏡巾者何能為哉將戰必須似道親勢始出否則使軍士離於其門呂文
德語事似道使人謂曰宣撫在此何敢爾耶曹世雄向士璽皆從在軍事未嘗謂白似道由是銜三人而親文
德時諸路重兵咸聚於鄂吳潛用御史饒應子書移似道於黃州黃雖下流實當兵衝孫虎臣以精騎七百送
之至蘄草坪候騎前有北兵似道大懼謂左右曰奈何虎臣置似道出戰似道歎曰死矣惜不光明俊偉爾
及北兵至乃老弱部所掠金帛子女而還者江西降將備再興騎牛先之虎臣出擒再興似道遂入黃州

蒙古烏蘭哈達率騎三千變裝萬人破橫山徇內地守將陳兵大萬以俟烏蘭哈達使阿珠潛自間道衝其中
擊大敗之乘勝繼襲二州入解江府連破辰沅直抵潭州南軍斷其歸路烏蘭哈達出南軍後命阿珠夾擊
南軍敗走遂壁潭州城下

橫山在湖南府東八
十里靜江今桂林府

蒙古烏蘭哈達攻潭州甚急帥臣向士璽極力守禦既置飛江軍又募斗弩社朝夕登城撫勞聞蒙古復軍且
至遣王輔佑帥五百衆視之過於南嶽市大戰却之皇弟呼必賚遣特默齊將兵迎烏蘭哈達遂解圍引兵趨

湖南南嶺市在善化縣嶺麓山南

〔五年〕以李庭芝為兩淮制置大使兼知揚州州新遭火公私蕭然庭芝放民買鹽二百餘萬又鑿河四十里入金沙餘廢場以省車運始平山堂瞰揚城敵至則構望樓其上張弓弩以射城中庭芝築大城包之募汴南流民二萬餘人以實之號武銳軍修學賑饑民德之如父母

金沙餘廢兩鹽場皆在通州

蒙古括諸路兵以益襄陽遣史天澤與樞密副使呼喇楚往經略之天澤至呂文煥遣吏餉以鹽蒼天澤築長圍起萬山包百丈山令南北不相通又築峴山虎頭山為一字城聯互諸堡為久駐計蒙古阿珠自白河率兵圍樊城遂築堡鹿門山京湖都統制張世傑將兵拒蒙古圍樊之軍戰於赤灘浦敗績時羣臣多言高遷可援襄陽者御史李旺入言於賈似道似道曰吾用遠如呂氏何旺出獻曰呂氏安則趙氏危矣呂文煥聞遠且至亦不樂以語其客客曰曷耳今朝廷以襄陽故遣遠吾以捷聞則遠不必成遠矣會獲哨騎數人文煥即以大捷奏然朝廷實未嘗急於援襄也

萬山在襄陽府西十里百丈山在其南三十里虎頭山在府南三里峴山在府南七里鹿門山在府東赤灘浦在府東南漢水上

沿江制置副使夏貴襲蒙古阿珠於新城敗績初貴率眾援襄樊乘春水漲輕兵部行至襄陽城下懼蒙古軍接應與呂文煥交商而還及秋大霖雨漢水溢貴分遣舟師出沒東岸林林皆問阿珠謂諸將曰此虛形不可與戰宜整舟師以備新城明日貴果趣新城至虎尾洲為蒙古萬戶解汝楫等舟師所敗士卒溺漢水死者甚眾戰艦五十艘皆沒范文虎以舟師援襄至離子灘亦為蒙古所敗文虎以輕舟還

新城在襄陽東南十里虎尾灘在其南漢水中離子灘在

其北門山
南漢水中

〔六年〕以李庭芝爲京湖制置大使督師援襄樊時夏貴范文虎相繼大敗聞庭芝至文虎遣番賈似道曰吾將兵數萬入襄陽一戰可平但願無使聽命於京闕事成則功歸於恩相矣似道卽命文虎爲福州觀察使其兵從中制之庭芝屢約進兵文虎但與妓妾嬖倖酣飲宴以取旨未至爲辭

蒙古阿珠與劉整上言圖守襄陽必當以教水軍遣戰艦爲先務詔許之於是造戰艦五千艘日練水軍七萬人雖雨不能出亦奔地爲船而習之

四川制置司遣將修合州城蒙古立武勝軍以拒之繼帥汪惟正臨嘉陵江作柵扼其水道夜懸燈柵間編竹爲籠中置火炬順地勢轉走照百步外以防不虞南師知有備不敢逼

嘉陵江卽西漢水在釣魚山西今合州城東

關漢處士金履祥以襄樊之師日急進牽制搆虛之策請以重兵由海道直趨燕薊則襄樊之師不攻而自解聞者以爲迂闊然履祥所敘海泊經由之郡縣以及巨洋別陽離易遠近後驗之無或爽者

按仁山之言極是然時無將才也

蒙古以董文炳爲山東路統軍副使治沂州沂與宋接壤鎮兵仰內郡餉運有詔和糴本部文炳命收州縣所移文衆愾違詔旨文炳曰第止之乃遣使入奏略曰敵人接壤知吾虛實一不可邊民供頓甚勞重苦此役二不可困吾民以懷來者三不可蒙古主大悟罷之

蒙古張宏範言於史天澤曰今規取襄陽周於國而緩於攻者計待其自斃也然夏貴乘江漲送衣糧入城我

無禁之書而江陵歸峽行旅休卒道出襄陽者相繼甯有自斃之時乎若築萬山以斷其西立柵瀘子灘以絕其東則連綿之道也天澤從之遂城萬山徙宏範於鹿門自是襄樊道絕糧援不繼

鹿門山南臨漢水水中即瀘子灘也

(七年)蒙古以東道兵圍守襄陽命賽音誇德齊鄰驛率諸將水陸並進以趣嘉定汪良臣彭天祥出重慶扎

拉布哈出瀘州立吉思出汝州以牽制之所至順流繼後斷浮橋獲將卒戰艦甚衆

按彭天祥出重慶見合州雖守敵不妨還過也

范文虎將衛卒及兩淮舟師十萬進至鹿門時漢水溢阿珠夾漢東西爲陳別令一軍趣會丹灘擊其前鋒諸

將關流鼓譟文虎軍逆戰不利羈旗鼓乘夜遁去蒙古俘其軍獲戰船甲仗不可勝計

會丹灘在虎尾灘子之間

(八年)元阿珠劉整阿爾哈雅破樊城外郭守將堅閉內城阿珠等增築重圍以困之襄陽被圍五年援兵不

至呂文煥竭力拒之城中有積粟乏鹽薪布帛張漢英守樊城募酒者賣蠟書於樹藏積草下浮水而出

謂鹿門既築勢須自荆鄧援救至隘口元守卒見積草多鈎爲薪酒者被獲鄧之路亦絕至是詔荆湖制置

使李庭芝移屯鄧州將帥悉駐新鄧及均州河口以守要津庭芝聞知襄陽西北一水曰清泥瀕于均房門其

地遠輕舟百艘每三舟聯爲一舫中一舟裝載左右舟則虛其底而掩覆之出重賞募死士得襄鄧山西民兵

之驍悍習戰者三千人求得民兵部轉張順張貴俱智勇素爲諸將所服俾爲都統號貴曰矮張順曰竹園張

出令曰此行有死而已汝輩或非本心宜亟去毋敗吾事人人感奮漢水方生派汭發舟稍進圍山下又進高

頭港口結方陣各船置火槍火礮熾炭巨斧動弓夜漏下三刻起行以紅燈爲號貴率先順殿之乘風破浪

徑犯重圍至廣洪元舟師數水無隙可入順等乘銳斷續相援殺百餘戰百二十里元兵皆披靡黎明抵襄陽城中久絕援聞順等至陽陽逆勇氣百倍及收軍獨失順越數日有俘尸逆流而上被甲背敵弓矢直抵浮梁順之順也身中大箭怒氣勃勃如生諸軍驚以為神結冢斂埋之鄧州今安陸府在漢水北新鄧在漢水南漢水順縣以漢守也清泥河即今粉河自房縣運保廣南障之北至穀城東南入漢即古彭水也

張貴既入襄陽呂文煥固留共守貴得其勇欲還鄧乃募得死士二人能伏水中數日不食持蠟燭赴鄧求援於范文虎時元軍增守益密水陸連續數十里列徹星橋離魚蝦不得度二人過橋即鋸斷之貴遂還鄧報許僉兵五千駐龍尾洲以助夾擊刻日既定貴別文煥東下點視所部軍泊登舟緩前一人亡去乃有過被捷者貴驚曰吾事已矣亟行彼或未及知乃舉戰鼓譟發舟乘夜順流斷紆破圍冒進夜半天黑至小新河阿珠劉整分率戰艦邀擊貴以死戰拒沿岸東荻列燭火光如白晝至勾林灘漸近龍尾洲遙望軍船旗幟紛披貴軍以為郡兵來會喜躍而進舉流星火示之軍船見火即前迎及勢近欲合則來舟皆元軍也蓋鄧兵前二日以風水驚疑退屯三十里而元軍得逃卒之報先據龍尾洲以逸待勞貴力困且出不意與之戰所部殺傷殆盡貴身被數十創力不能支遂被執見阿珠於樞門關欲降之貴誓不屈乃見殺元令降卒四人舁貴尸至襄陽城下曰識張都統乎守陣者皆哭城中喪氣文煥斬四卒以貴附葬順家立雙廟祀之小新河勾林灘皆在龍尾洲南龍尾洲在襄陽東南三十里樞門關在府東

元阿爾哈雅奏言襄陽之有樊城獨齒之有臂也宜先攻樊城斷其聲援樊城下則襄陽可不攻而得元主以爲然會回創作巨石礮來獻用力省而所擊甚速命送襄陽軍前用之元劉整築新門於鹿頭山使千戶隨世昌總其役樊城出兵來爭且拒且築不終夜而就整授軍二百令世昌立礮籠於樊城欄馬牆外夜大雪城中矢石如雨軍校多死傷邊巨而礮聲

經江上世昌乘風縱火燒其船樊城出兵應戰欄馬牆下世

昌流血滿甲氣愈壯南師退入城

鹿頭山在鹿門山北故近樊城蓋一山也

〔九年〕樊城破樊被圍四年荆湖都統制范天順及部將牛富力戰不爲屈富數射并襄陽城中期呂文煥相與固守爲晉酋未幾阿爾哈雅以回回新礮進攻張宏範爲流矢中其肘東削見阿珠曰礮在漢水南樊在其北我陸攻樊則襄出舟師來救終不可取若截水道斷救兵水陸夾攻則樊破而襄亦下矣阿珠從之初襄樊兩城漢水出其間文煥植大木水中鎖以鐵絙上造浮橋以通援兵樊亦恃此爲固元水軍總管張福曰斷鎖毀木樊城必下阿珠以機鎗斷木以斧斷絙燔其橋襄兵不能援乃以兵截漢而出銳師薄樊城城遂破天順仰天歎曰生爲宋臣死爲宋鬼卽所守地縊死富率死士百人巷戰元兵死傷者不可計渴飲血水轉戰而進遇居民燒絕街道富身被重傷以頭觸柱赴火死裨將王福見之歎曰將軍死於國事吾豈宜獨生亦赴火死京西安撫副使呂文煥以襄陽叛降元襄陽久困援絕撤屋爲薪緝關會爲衣文煥每一巡城南望慟哭而後下告急於朝賈似道累上書請行邊而陰使臺諫上章留已樊城既破復申請之事下公卿雜議監察御史陳

盛等以爲師相出勦襄未必能及淮顧淮未必能及襄不若居中以運天下帝從之未幾阿爾哈雅率總帥索多等移破樊攻具以向襄陽一破中其譙樓聲如震雷城中洶洶諸將多踰城降者初劉整常躍馬獨前與文煥語爲文煥伏弩所中幸甲堅不入至是欲立碑其城執文煥以快意阿爾哈雅不可乃身至城下宣元主所降招諭文煥詔曰爾等拒守孤城於今五年宣力於主固其宜也然勢窮援絕如數萬生靈何若能納款悉赦勿治且加遷擢文煥狐疑未決因折矢與之誓文煥乃出降先納第鎗次獻城池且陳攻郢之策請己爲先鋒阿珠入襄陽阿爾哈雅遂偕文煥入朝元主以文煥爲襄陽大都督事聞似道言於帝曰臣始屢請行邊陲下不之許向使早聽臣出當不至此文煥兄文福知廬州文德子師鑾知靜江府俱上表待罪似道庇之詔皆不問

四川制置司言劉整故吏羅鑑自北邇上整書稿一帙內有取江南二策其一言先取全蜀蜀平江南可定其二言清口桃源河淮要衝宜先城其地屯山東軍以圖進取帝亟詔淮東制置司往清口擇利地築城備之今清口桃源其西鄰也

太學生郭昌子上守備大策一曰分游擊以屯南岸二曰重歸峽以扼要衝三曰備鄂漢以固上流四曰調精兵以護漢江五曰備下流以絕窺伺六曰飭隘口以備要害

元將相大臣皆以南伐爲請召姚樞許衡圖克坦公履等問計公履等曰乘破竹之勢席卷三吳此其時矣元

主然之以史天澤阿珠阿爾雅行荊州等路樞密院事鎮襄陽哈坦劉整遠春董文炳行淮西等路樞密院事守正陽天澤等陞辭詔諭以襄陽之南多有堡砦可乘機進取仍以鈔五千錠賜將士及賑新附軍民

前四川宣撫司參議官張夢發上書陳危急三策曰鎖漢江口岸曰城荆門軍當陽界之玉泉山曰峽州宜都而下聯置堡砦以保聚流民且守且耕並圖上城築形勢似道不以上閣下荆湖制司審度可否事竟不行山在當陽縣西北三十里

時國勢危甚太府寺丞陳仲微上封事其略曰襄陽之陷其罪不專在於庸閹疲將孩兵也君相當分受其責以謝先皇帝在天之靈天子若曰罪在朕躬大臣宜言咎在臣等宣布十年養安之往繆深憐六年玩敵之昨非救過未形固已無及追悔既往尙愈於迷或謂覆護之意多剋責之辭少或謂陛下乏哭師之誓師相飾分過之言甚非所以慰恤死義祈天悔禍之道也今代言乏知體之士翹館鮮有識之人吮脂茹柔積習成痼君道相業兩有所虧顧此何時而在廷無謀國之臣在邊無折衝之帥監之先朝宜和未亂之前靖康既敗之後凡前日之目近冤旒朱輪華轂俛首吐心奴顏婢膝卽今日秦賊稱臣之人也強力敏事捷疾快意卽今日叛君賣國之人也爲國者亦何便於若人哉迷國者進憊優之欺以逢其君誤國者覆恥敗之局而莫能議當國者昧安危之機而莫之悔臣嘗思之今之所少不止於兵闕外之事將軍制之而一級半階率從中出斗粟尺布退有後憂平素無權緩急有責或請建督或請行邊或請築城創闢駭聽因諸聞有辭於緩急之時故廟堂

不得不掩其於敗關之後有謀莫展有敗無餘上下包羞無敢議是以下至器仗甲馬衰竭靡不足以奮
軍容壁壘堡柵折焚竭竭不足以當衝突之騎號為帥聞名存實亡也城而無兵以城與敵兵不知戰以將與
敵將不知兵以國與敵光景最近目睫矣惟君相幡然改悟天下事尚可為也似道大怒劾仲微江東提點刑
獄

元人城馬驢山知合州張珪擊走之初蒙古兵入蜀珪副王堅協力戰守堅退以珪代之自開慶受兵民凋敝
甚珪外以兵饒耕內教民墾田積粟再期公私兼足劉整既叛獻計欲自青居進築馬驢虎頂二山扼三江口
以圖合州道統軍哈喇帥兵築之珪聞哈喇至乃張疑兵於嘉渠口潛師渡平陽灘火其資糧器械越砦七十
里焚船塢由是馬驢城築卒不就珪善用兵出奇設伏算無遺策其治合州士卒必陳器械必精御部曲有法
雖奴隸有功必優賞之有過雖至親必罰故人人用命馬驢山在合州東北百五十里虎頂山未詳疑在其南嘉渠口渠江入嘉陵江之口在合州東北渠江自慶安西注也平陽灘疑在合州東北三江口在州東南嘉陵渠合涪水處也

元阿爾哈雅言荆襄自古用武之地漢水上流已為我有順流長驅宋必可平阿珠又言臣略地江淮見宋兵
弱於往昔今不取之時不能再元主速召史天澤同議天澤對曰此國大事可命重臣一人如安國巴延都督
諸軍則四海混同可計日而待臣老猶足為副元主曰巴延可以任此事阿爾哈雅因言我師南征必分為三
路軍不足非益兵十萬不可遂詔中書省簽軍十萬人

元遣鳳州經略使寶都軍民總管洪俊奇等將兵伐日本戰船凡大小九百艘軍萬五千人元主以討日本事問趙良弼良弼曰臣居日本歲餘觀其俗很勇嗜殺不知有父子之親上下之禮其地多山水無耕桑之利得其人不可役得其地不加官田況舟師渡海海風無期禍害莫測是謂以有用之民填無窮之巨壑也臣謂勿舉便元主從之

初京湖制置使汪立儒移書賈似道曰今天下之勢十去八九誠上下交修以延續天命之幾重惜分陰以趨事赴功之日也而乃酣歌深宮嘯傲湖山玩歲愒月緩急倒施卿士師師非度百姓鬱怨欲上當天心俯遂民物拱揖指揮而折衝萬里不亦難乎爲今之計者其策有三夫內郡何事乎多兵宜盡出之江干以實外禦算兵帳見兵可七十餘萬人老弱柔脆十分汰二爲選兵五十餘萬而沿江之守則不過七千里若距百里而屯屯有守將十屯爲府府有總督其尤要害處輒三倍其兵無事則泛舟長淮往來游獵有事則東西齊奮戰守並用刁斗相聞餽餉不絕互相應援以爲聯絡之固選宗親大臣忠良有幹用者立爲統制分蒞東西二府此上策也久拘聘使無益於我徒使敵得以爲辭請禮而圖之許輸歲幣以緩師期不三二年邊遽稍休薄垣稍固生兵日增可戰可守此中策也二策果不得行則衝鑿輿輓之禮請備以俟似道得書大怒抵之地貽曰賄賊狂言敢爾蓋立信一目微眇云群中以危法廢斥之

元史天澤言今大師方興荆湖淮西各置行省勢位既不相下號令必不能一後當敗事元主是其言復改淮

西行中書省爲行樞密院天澤又以病表請專任巴延乃以巴延領河南等路行中書省所屬並聽節制元中書省言江漢未下之州請令呂文煥率其麾下臨城諭之令彼知我普過降將亦策之善者也元主從之元左丞相河南行省巴延會師於襄陽分取爲三道並進巴延與平章行省阿珠由中道循漢水趣郢州萬戶武秀爲前鋒過水濛霖雨水溢無舟不能涉巴延曰吾且飛渡大江而憚此潢潦耶使一壯士騎而前導麾諸軍畢擣癸已次鹽山距郢州二十里張世傑將兵屯郢州在漢北以石爲城新郢城在漢南橫鐵鉗鎖戰艦密植橋木水中夾以礮弩凡要津皆施機設守具元軍襲城世傑力戰元軍不能前進人招世傑不聽阿珠獲俘民冒沿漢九郡精銳皆萃於二郢若舟師出其間騎兵不能護岸此危道也不若取下流黃家灣堡西有溝南通蘄湖可由其中拖船入湖轉而下漢僅三里呂文煥亦以爲便諸將曰郢城我之襟喉不取恐爲歸路患巴延曰用兵緩急我則知之大軍之出豈爲一城哉遂舍郢順流而下遣總管李庭劉國傑攻黃家灣堡拔之諸軍破竹席地壘舟由蘄湖入漢巴延阿珠殿後下不滿百騎元軍既去郢副都統趙文義帥精騎二千追之巴延阿珠還軍迎擊之及泉子湖文義力戰而敗巴延擒殺之其士卒死者五百人餘衆皆潰元軍進至沙岸遣俘持黃榜檄文入城守將王虎臣王大用斬俘焚榜巴延復命呂文煥至城下招之亦不應丙寅日暮風大起巴延命順風舉金汁燬焚其廬舍煙燄漲天城遂破生擒虎臣大用餘悉屠之進薄新城都統制邊居誼力戰文煥列沙洋所餘於城下縛虎臣等至壁使招降居誼不答明日又至居誼曰吾欲與呂參政語耳文煥以爲降

已馳馬至伏弩亂發中文煥右臂并中其馬馬仆幾鈎得之索挾文煥以他馬奔還會總制黃順副總制任甯相繼出降其部曲多欲縋城出者居誼悉驅入當門斬之文煥乃磨兵攻城居誼以火具却之元總管李庭攻破外堡諸軍蟻附而上居誼度力不支拔劍自殺不殊赴火死所部三千人猶力戰悉死焉居誼舉家自焚巴延壯居誼購其屍觀之遂殺虎臣大用居誼隨人初事李庭芝積戰功擢都統制至是死節事聞詔立廟死所按今龍興山花山皆在安陸東北二十里豈驪山歟黃家灣堡疑在安陸東南廣湖爲漢北諸水所積在府東南泉子湖在府東廣湖之東北也沙洋疑在漢南

初李庭芝帥淮南闕進士鹽城陸秀夫名辟置幕下主管機宜文字秀夫性沈靜不求人知每僚吏至問賓主交驩秀夫獨無一語或時宴集府中矜莊終日未嘗少有希合至察其事皆治庭芝益器之雖改官不使去己時稱得士多者淮南第一號小朝廷以秀夫爲淮東制置司參議

元巴延軍逼復州知州翟貴以城降諸將請點視其倉庫軍籍巴延不聽諭諸將不得入城違者以軍法論阿珠使阿爾哈雅來言渡江之期巴延不答明日又來又不答阿珠乃自來巴延曰此大事也主上以付吾二人可使餘人知之乎潛刻期而去乙未軍次蔡店丁酉往視漢口形勢時淮西制置使夏貴以戰艦萬艘分據要害都統制王達守陽邏堡京湖宣撫使朱禔孫以游擊軍扼中流元軍不得進阿珠部將馬福言自淪河走湖中可從陽邏堡西沙蕪口入江巴延使覘沙蕪口夏貴亦以精兵守之乃進圍漢陽聲言取漢口渡江貴果移兵據漢陽巴延乘間遣阿喇罕將奇兵偕道襲沙蕪口奪之辛亥自漢口開鵠引船入淪河轉沙蕪口以達江

壬子戰艦萬計相繼而至以數千艘泊浣河灣日屯布敵古漢軍數十萬騎於江北巴延遣人招諭陽邏堡守將王通等曰我輩受宋厚恩盡力死戰此其時也安有叛道歸降之理備吾甲兵決之今日我宋天下猶歸博孤注輸贏在此一擲爾巴延府諸將以白鷄子千艘攻之三日不克巴延密謀於阿珠曰彼謂我必拔此堡方能渡江此堡甚堅攻之徒勞汝夜以鐵騎三千汎舟直趨上流爲掃虛之計明日渡江與江南岸已過則亟遣人報我阿珠亦曰攻城下策也若分軍船之半循岸西上泊青山磯下伺隙而動可以如志巴延計定乙卯遣阿爾哈雅督萬戶張宏範等進薄陽邏堡直衝寨援之阿珠即以昏時率四翼軍溯流四十里至青山磯是夜雪大作黎明阿珠遙見兩岸多薪沙洲卽登舟指示諸將令徑渡戰馬後隨萬戶史格一軍先渡爲荆鄂都統程鵬飛所敗格中三創喪其師三百阿珠引兵繼之大戰中流矢戰益力鵬飛亦却阿珠遂登沙洲擊岸步關微而復合者數四出馬於岸力戰追至鄂東門鵬飛被七創走阿珠獲其船千餘艘遂起浮橋成列而渡乃遣人還報巴延大喜揮諸將急攻陽邏堡夏竦聞阿珠渡江大驚引麾下三百艘先遁沿流東下縱火焚西南岸大掠還廬州陽邏堡遂破王通領所部八千人及定海水軍統制劉成俱戰死元諸將請追黃巴延曰陽邏之捷吾欲遣使前告宋人今貴走是代吾使也遂渡江與阿珠會元諸將議師所向或欲先取蕪黃阿珠曰若赴下流退無所據上取鄂漢雖遲旬日可以萬全巴延遂趣鄂州焚戰艦三千艘燬鐵甌天城中大恐時朱禔孫帥師援鄂道聞陽邏之敗夜奔還江陵知漢陽軍王儀以城叛降元鄂特漢陽爲蔽及禔孫既還漢

賜復失鄂勢遂孤呂文煥列兵城下曰汝國所恃江淮而已今大軍渡江淮如蹈平地汝輩不降何待權守張
晏然度不能守遂以州降程鵬飛亦以其軍降幕僚張山翁獨不屈元諸將請殺之巴延曰護士也釋之因檄
下僧陽諸郡以鵬飛爲荆湖宣撫使撤守兵分隸諸將取壽昌糧四十萬斛以充軍餉命阿爾哈雅以四萬人
守鄂而自率大衆與阿珠東下趣臨安阿爾哈雅戍鄂禁將士毋得侵掠其下無敢取民一菜者民大悅詔賈
似道都督諸路軍馬時鄂州既破朝廷大懼三學生及羣臣上疏以爲非師相親出不可似道不得已始開都
督府於臨安以孫虎臣總統諸軍以黃萬石等參贊軍事所辟官屬皆先命後奏仍於封樁庫撥金十萬兩銀
五十萬兩關子一千萬貫充都督府公用元巴延遣程鵬飛至黃州招諭陳奕奕使人過江請降且求名爵巴
延曰汝既率衆來歸何必慮及名爵以沿江大都督許之奕大喜遂以城降仍以書招知蘄州管景模時沿江
諸郡皆呂氏舊部曲望風款附

復州今沔陽州也蔡店在漢陽西六十里沙燕口即沙武口在陽邏西北十餘里武湖口也滄河在孝感縣南四十里漢水支流也青山在江夏東三十里

陽邏西南對也
壽昌軍今武昌縣

(帝昀德祐元年)元兵攻蘄州知州管景模以城降初呂師夔提舉江州興國宮請募兵以禦元詔與知州錢
真孫同募至是賈似道承制召爲都督府參贊任中流調遣師夔不受命與真孫遣人詣蘄以江州降元巴延
以師夔知江州元兵侵江州知安東軍陳晟夜遁時知壽昌軍胡夢麟寓治江州自殺知南康軍葉闓知德安
府來興國知大安軍曹明俱迎降於江州師夔設宴與公樓適宗室女二人盛飾以獻巴延巴延怒曰吾奉天

子命與仁義師問罪於宋豈以女色移吾志乎斥遣之元樞審院言宋邊郡如嘉定重慶江陵鄂澧海皆阻兵自守宜降書招諭從之初元人南使用呂文煥與劉整爲嚮導尋別命整出淮南整銳欲渡江曰大軍自興樊東下宋悉力西拒東方虛弱徑造臨安可一鼓而捷也巴延不可曰吾受詔特縱東兵使無西爾濟江非所聞至是整率騎兵攻無爲軍久不克聞呂文煥入鄂捷至整失聲曰首帥東我使我成功後於人替作者不必善成果然遂發憤成疾死於無爲城下元以宣撫使賈居貞與簽書行中書省事戊鄂州居貞謂阿爾哈雅曰江陵乃宋制閫重兵所屯聞其諸將不睦遷徙之民盈城復皆疾疫芻薪乏闕杜門不敢樵采當乘隙先取之阿爾哈雅深以爲然知安慶軍范文虎遣人以酒饋詣江州迎元軍且謂巴延曰行樞密院臨城招諭衆心不從願俟丞相巴延初以安慶城在山頂且兵糧皆足勢不可攻又慮文虎爲勁敵甚憂之及聞欲降大喜乃使阿珠先遣之文虎遂以城降遇判夏椅仰藥死巴延至湖口繫浮橋以渡風迅水駛橋不能成乃禱於大孤山神有頃風息橋成大軍畢渡巴延承制授文虎兩浙大都督初賈似道畏劉整不敢出師及聞其死喜曰吾得天助矣乃上表出師抽諸路精兵十三萬以行金帛輜重船艘相銜百餘里命宰執小事專決大事則關白督府不得擅行又以所親信韓震爲殿帥總禁兵至安吉州似道所乘舟膠於堰中劉師勇以千人入水拽之不能動乃易他舟而去遂由新安池口以進次於蕪湖遣人通呂師夔以饋和以汪立信爲江淮招討使俾就建康府庫募兵以援江上諸郡立信受詔即日入道以妻孥托其愛將金明執其手曰我不負國家爾亦必不負我

遂行與賈似道遇於蕪湖似道拊立信背哭曰不用公言以至於此立信曰平章平章贖賊今日更說一句不得似道因問立信何向立信曰今江南無寸土乾淨吾去尋一片趙家地上死第要死得分明耳既至建康守兵悉潰四面皆北軍立信知事不可成歎曰吾終爲國一死但徒死無益以此負國耳

湖口縣在九江東六十里大孤山在九江東南

四十里鄱陽湖中安吉州今安吉縣新安池口疑南國府東之青弋江也

元主將用兵日本問王磐以便言磐言今方伐宋當用吾全力庶可一舉取之若復分力東夷恐曠日持久功卒難成俟宋滅徐圖之未晚也元主從之遣禮部侍郎杜世忠兵部郎中何文著實書使日本

元兵攻池州知州王起宗遁去通判昌化趙卯發攝州事繕壁聚糧爲固守計元遊騎至李陽河都統張林屢諷之降卯發忿氣填膺瞋目視林林不敢復言已而林率兵巡江陰遣人納款而陽助卯發爲守守兵皆歸於林卯發知事不濟乃散其家貲與弟姪僕婢悉遣之元兵薄城卯發遂與妻雍氏同縊死於從容堂林開門降

李陽河在池州府西六十里

賈似道以精銳七萬餘人憑屬孫虎臣軍於池州之下流丁家洲夏貴以戰艦二千五百艘橫亘江中似道自將後軍軍費浩費失利於鄂恐督府成功無所逃罪又恐虎臣新進出己上殊無關志會巴延令軍中作大機數十采薪芻置其上陽言欲焚舟諸軍但晝夜嚴備而已巴延分步騎夾岸而進磨戰艦合勢衝虎臣軍時阿珠與虎臣對陣巴延命舉巨礮擊虎臣軍阿珠以划船數千艘乘風直進呼聲動天地虎臣先鋒將斃才方接

戰虎臣遠過其妻所乘舟東見之曰步帥還矣軍遂亂置費不戰而走以爲舟掠似僧船呼曰彼衆我寡勢不支矣似道聞之錯愕失措遣囑姪收軍船離無恙分作台阿珠與鎮撫何瑋李庭等以小旗應將校左右擒之殺溺死者不可勝計軍資器械盡爲元所獲似道夜駐珠金沙召貴計事頃之虎臣至撫膺哭曰吾兵無一人用命者貴微笑曰吾嘗血戰當之矣似道曰計將安出貴曰諸軍俱膽落吾何以戰師相惟有入揚州招潰兵迎駕海上吾當以死守淮西耳遂解舟去似道乃與虎臣單騎奔還揚州明日潰兵蔽江而下似道使人登岸揚旗招之皆莫應至有爲惡語慢罵者丁家洲在鎮江東北二十里香港在鎮江縣西珠金沙似在今上元縣東北大江中當觀音門江口元軍攻饒州知州唐震死之元兵攻臨江軍知軍鮑顯死之中齊舍人王應麟留國大憲者必略細故求實效者必去虛文詰集諸路勤王之師有能率先而至者厚賞以作勇敢之氣并力進戰惟能戰斯可守因條上求將材練軍實備糧餉等事不報

以文天祥爲江西安撫副使知贛州勤王詔至餓天祥捧之涕泣發郡中豪傑并結溪峒山蠻有衆萬人遂入衛其友止之曰今元兵三道鼓行破郊畿薄內地君以烏合萬餘赴之是何異驅羣羊而搏猛虎天祥曰吾亦知其然也第國家養育臣庶三百餘年一旦有急徵天下兵無一人一騎入關者吾深恨於此故不自量力而以身殉之庶天下忠臣義士將聞風而起義勝者謀立人衆者功播如此則社稷猶可保也天祥性廉潔平生自奉甚厚聲伎端前至是痛自抑損盡以家貲爲軍費每與賓客僚佐語及時事輒撫几曰樂人之樂者愛人

之憂食人之食者死人之事閱者爲之感動

元主詔巴延以時方暑不利行師俟秋再舉巴延奏曰宋人之據江海如獸保險今已扼其吭縱之則逸而逝矣元主曰將在軍不從中制兵法也遂詔巴延以行中書省駐建康阿珠分駐揚州與博爾歡達春絕宋淮南之援巴延分兵四出鎮江統制石祖忠請降

元阿爾哈雅攻岳州安撫使高世傑會鄧復岳三州及上流諸軍戰船數千艘扼荆江口阿爾哈雅督諸水

軍屯東岸世傑乘夜陳於洞庭湖中阿爾哈雅追逐世傑斬之以徇岳州總制孟子綰舉城降

荆江口洞庭湖水入江處也

元命阿珠分兵取揚州趙良弼言於元主曰宋重兵在揚州宜以大軍先擄錢唐元主然之

管景模之降元也其子如德從之入覲元主問天下何以得宋何以亡如德對曰陛下以福德勝之襄樊宋咽喉也咽喉被塞不亡何待

文天祥兵至吉州江西制置副使黃萬石與天祥有舊嫌且忌其聲望出己右言於朝曰天祥軍皆烏合兒戲

無益乃詔天祥留屯隆興府

隆興今南昌府

京湖宣撫使朱禔孫湖北制置副使高遵以江陵降元遵先以賈似道忌其功懷怨望及元阿爾哈雅自岳州攻江陵遵累戰敗遂與禔孫及提刑青陽夢炎李提等出降阿爾哈雅入城命禔孫檄所部歸附於是歸峽鄢復鼎漢辰沅靖隨常德均房諸州相繼皆降阿爾哈雅承制並復官守江陵捷聞元主謂近臣曰巴延東下阿

爾哈雅孤軍守鄂朕常憂之今荆南定吾東兵可無復患矣乃親作手詔囑之授總參知政事張瑄至上都死
時元兵東下所過迎降李庭芝率屬所屬固守揚州阿珠遣李虎持招降榜入城庭芝殺虎焚其榜繼調張儀
出戰持叛臣孟子縉奔來招降庭芝焚其書梟梟首於市時出金帛牛酒燕犒將士人人感激自誓阿珠攻真
州知州苗再成宗子趙孟錦帥兵大敗於老鷹灣敗績阿珠乘勝進趨揚州聲才為三疊陳逆之於三里溝敗
之阿珠俾遇才逐之阿珠反戰至揚子橋揚州糧糧官雷大震出戰死之兩軍夾水而陳元張宏範以十三騎
絕渡衝才軍才軍堅不可動宏範引却以誘之才將回回躍馬舉大刀直前向宏範宏範反轉迎刺之應手而
仆元兵歡聲動地才軍遂潰阿珠與宏範追之自相蹂躪與陳水死者甚眾流矢中才胸才拔矢揮刀而前
元軍時易不敢逼遂入城誓死守阿珠乃饒長圖自揚子橋竟瓜州東北騎薄頭至黃塘西北抵丁村務欲以
久困之

老鷹灣在儀徵東南二十里江濱也三里溝在揚州城南揚子橋在揚州東
南十五里揚子橋又南則瓜州縣屬揚州城東北則潤州其西黃地西北丁村

環衛官劉師勇復常州加濠州團練使助姚書守常以張彥守呂城兵威稍振由是浙右諸城降元者復與張
世傑軍合師時知慶遠府仇子真淮東兵馬鈐轄阮克己各將兵入衛詔與張世傑張彥分道出擊元軍臺諫
請命大臣監護事下公卿雜議久而不決陳文龍上言三后協心同底於道北兵今日取其城明日築其堡而
我以文相逼以姦相疑譬猶拯溺救焚而為安行徐步之儀也請詔大臣無滋虛議不報

呂城在丹陽縣東南
五十里慶遠府屬

之宜州今仍
為府屬廣西

初成都安撫使皆萬壽守嘉定興元元賽音誘德齊對壘賽音誘德齊一以誠意待之不爲侵掠萬壽心服未幾元召賽音誘德齊還萬壽請置酒爲好賽音誘德齊徑往不疑酒至左右言未可飲賽音誘德齊笑曰若等何見之小耶皆將軍能奪我其能還我朝之人乎萬壽歎服至是元主召汪良臣入朝命之曰成都被兵久須卿安集之良臣進攻嘉定萬壽堅守不出良臣度有伏兵大搜山谷果得而殺之進壘薄城萬壽悉軍出戰大敗遂繕境內諸城降

揚州都統姜才副將張林率步騎二萬人乘夜攻元揚子橋木柵守柵萬戶史綱告急於阿珠阿珠率總管管如德等自瓜州以兵赴之詣且至柵下才軍夾水爲陳阿珠麾騎兵渡水夾擊陳堅不可動阿珠引却才進逼之戰不利而走阿珠麾步騎並進遂大敗如德生擒林才僅以身免士卒死者萬餘人

張世傑與劉師勇孫虎臣等大出舟師萬餘艘次於焦山令以十舟爲方碇江中流非有號令毋得發碇示以必死元阿珠登石公山望之曰可燒而走也遂遣健卒習戰者千人載以巨艦分兩翼夾射阿珠居中合勢進戰繼以火箭檣俱焚煙燄蔽江諸軍死戰欲走不能前多赴江死張宏範董文炳劉國傑復以銳卒橫衝世傑才復能軍奔圖山阿珠窮追之獲白鶴子七百餘艘師勇還常州虎臣還真州世傑請濟師不報

石公山在鎮江府東

北八里江濱與焦山對峙圖山在其東亦江濱也最爲海門險要

陳宜中去位初張世傑之將出師也王燦謂二相宜一人督師吳門否則臣雖老無能爲若效死於封疆亦不

敗辭會世傑敗於焦山燔復言曰事無重於兵今二相並建都督廟算指授臣不得而知比者六月出師諸將無統臣豈不知吳門去京不遠而爲此請者蓋大敵在境非陛下自將則大臣開督今世傑以諸將心力不一而敗不知國家尙堪幾敗耶臣既不得其職又不得其言乞罷平章太皇太后不許京學士劉九皋等伏闕上書言宜中擅權竊賈似道趙潛趙與鑒皆繫城廂宜中乃假使過之說以報私恩令孤孽濫說友皆以城降乃受其種直而爲之羽翼文天祥率兵勸王信饒而沮撓之似道喪師辱國陽請致討而陰佑之元兵薄國門勤王之師乃留之京城而不遣宰相當出督而畏縮猶豫第令集議而不行呂師夔狼子野心而使之通好乞盟張世傑步兵而用之於水劉師勇水兵而用之於步指授失宜因以敗事臣恐誤國將不止一似道也初宜中事多專決不關白燔或謂京學之論實燔燬之書上宜中徑去遣使四輩召之不至

文天祥至臨安上疏言本朝繼五季之亂削藩鎮建都邑雖足以矯尾大之弊然國以殘弱故敵至一州則一州破至一縣則一縣破中原陸沈痛悔何及今宜分境內爲四鎮建都督統御於其中以廣西益湖南而建闢於長沙以廣東益江西而建闢於隆興以福建益江東而建闢於番陽以淮西益淮東而建闢於揚州賁長沙取鄂隆興取蘄黃番陽取江東揚州取兩淮地大力衆乃足以抗敵約日齊奮有進而無退日夜以圖之彼備多力分疲於奔命而吾民之聚傑者又伺間出於其中如此則敵不難却也時議以爲迂闊不報命天祥知平

江府隆興今南昌府

元兵攻常州久不下昭文嚴大學士姚樞言於元主曰陛下降不殺人之詔巴延濟江兵不踰時西起蜀川東薄海隅降城三十戶踰百萬自古平南未有如此之神捷者今自夏徂秋一城不降皆由軍官不思國之大計不體陛下之深仁刳財剽殺所致揚州焦山淮安人殊死戰我雖克勝所傷亦多宋之不能爲國審矣而臨安未肯輕下好生惡死人之常情惟懼我招徠止殺之信不堅耳宜申止殺之詔使賞罰必立恩信必行聖慮不勞軍力不費矣

李芾至潭州元游騎已入湘陰益陽諸縣城中守卒不滿三千芾結峒蠻爲援繕器械峙芻糗栅江修壁及元兵圍城芾慷慨登陣與諸將分地而守民老弱皆出結保伍助之不令而集芾日以忠義勉將士死傷相藉人猶飲血乘城殊死戰有來招降者輒殺之以徇

元巴延次灣頭阿喇罕自建康來會巴延令還建康起兵乃留博爾歡及阿里布守灣頭而自帥衆渡江至鎮江分軍爲三道阿喇罕帥右軍自建康出廣德四安鎮趣獨松關董文炳帥左軍出江入海以范文虎爲鄉導取道江陰趣澈浦華亭巴延及阿塔哈將中軍以呂文煥爲鄉導趣常州期並會於臨安常州告急朝廷遣張全將兵二千救之知平江府文天祥亦遣都將尹玉麻士龍朱華將兵三千隨全赴援士龍戰虞橋敗死全不救走還五牧時朱華駐軍五牧華欲掘溝壑設鹿角全皆不許既而元兵薄華華率廣軍與之戰自辰至未勝賈未決連晚元兵繞出山後薄廣軍尹玉力戰殺千人全提軍隔岸不發一矢玉遂敗諸敗軍爭渡水挽全軍

船全令其軍斬挽者指於是溺死者甚衆玉收殘卒五百人復鏖戰自夕達旦殺元軍人馬委積田間玉復乎殺數十人力屈被執元人恨之橫四槍於其項以棍擊殺之其部下皆死無一人降者天祥欲斬全以警衆帥府不許宥之使贖

海頭揚州城東北金利堰也因安鎮在廣德東南五十里獨松關在餘杭西北七十五里激浦在海鹽東橋在常州府西南四十里五牧在東南四十五里運河濱也

元將宋都木達等長驅而進所至莫當其鋒隆興轉運判官劉槃以城降不數日取江西十一城進逼撫州時黃萬石爲江西制置使開闢州治聞兵至奔建昌都統審佑率衆逆戰進賢坪元兵呼曰降者乎聞者乎佑曰聞者也應其兵突進至龍馬坪元進圖之數重矢下如雨佑身被四矢三槍獨揮雙刀率死士數十人斫圖南走前渡橋板斷被執宋都木達曰壯士也欲降之繫之月餘終不屈死

進賢坪在進賢縣龍馬坪在其北四十里軍山湖下

元巴延至常州會兵圍城知州姚嵩通判陳炤都統王安節劉師勇力戰固守巴延遣人招之譬喻百端終不聽巴延怒命降人王賈臣役城外居民運土爲壘土至併人以築之且殺之煎油作礮焚其牌杙日夜攻不息城中甚急而嵩等守志益堅巴延叱帳前諸軍奪勇爭先四面並進攻二日城破嵩死之炤與安節猶巷戰或謂炤曰城北東門未合可走炤曰去此一步非死所矣日中兵至死焉元兵破獨松關馮驥死之守將張濡遁詔贈驥集英殿修撰獨松既破鄉驥守者皆望風而走朝廷大懼時勦王師僅三四萬人文天祥與張世傑議以爲淮東堅壁固圉全城若與敵血戰萬一得捷則命淮師以截其後國事猶可爲也世傑大喜陳宜中白太后降詔以王師務宜持重嚴遂止祕書監陳著上疏請從天祥之議曰與其坐以待困曷若背城借一萬有一

幸則人心賈勇且敵非必勇多智力不過乘勝長驅若少沮之則主兵之與惡軍其壯弱即異矣宜中不聽出
著知台州

潭州被圍湖南安撫使兼知州李芾拒守三四月大小戰數十合至是元阿爾哈雅射書城中曰速下以活州
民否則屠矣不答阿爾哈雅與諸將畫地分圖決隍水以樹梯衝阿黑哈雅中流矢創甚督戰益急城中大窘
力不能支諸將泣請曰事急矣吾屬爲國死可也如民何芾罵曰國家平時所以厚養汝者爲今日也汝第死
守有復言者吾先戮汝

二年元兵蟻附登城知衡州長沙尹穀寓城中時方爲二子行冠禮或曰此何時行此迂闊事穀曰正欲令
兒曹冠帶見先人於地下耳既畢禮乃積薪扃戶朝服望闕拜已卽縱火自焚鄰家救之火熾不可前但遙見
烈焰中穀正冠危坐閤門少長皆死李芾命酒酌之字穀曰尹務實男子也先我就義矣因留賓佐會飲夜傳
令猶手書盡忠字爲號飲盡旦諸賓佐出參議楊霖赴圓池死芾坐熊湘閣召帳下沈忠還之金曰吾力竭分
當死吾家人亦不可辱於俘汝盡殺之後殺我忠伏地叩頭辭以不能芾固命之忠泣而諾取酒飲其家人盡
醉乃徧刃之芾亦引頸受刃忠縱火焚其居還家殺其妻子復至火所大慟舉身投地自刎孺僚陳億孫顏應
焱鍾璫英皆死潭民聞之多舉家自盡城無虛井絳林木者相望守將吳繼明劉孝思以城降元兵利於擄掠
獄屠之行省郎中和尙宣旨曰拒我師者宋耳其民何罪既受其降卽是吾民殺之何忍且今列城多未附降

而殺之是顯其效死之心也阿爾哈雅從之由是袁遠衛永彬全道桂陽武岡皆降寶慶通判曾如曠亦不屈死帝爲人剛介不畏強禦事精敏森精不能欺且強力過人自且治事至暮無倦容夜率至三鼓始休五鼓復起視筮之靈然若神明而好賢士復巍然可親雖一藝小善必獎薦之得官廉潔無餘貲數性剛直莊厲士友皆嚴憚之居官廉正有聲丁內艱家居教授諸生舉動有體每行市中市人相謂曰是必尹先生阿人也至是死節諸生往哭之者數百人蓋自少以志節聞辟京湖制置司幹官時呂文德爲帥素侮慢士常試以難事盡食卒立辦皆合其意一日謂諸曰朝廷有書旨出師策應淮東誰可往者卽對曰某將可又曰兵器糧草若何卽對曰某營兵馬某庫器甲某處矢石錫糧口占授吏頃刻案成文德大驚曰平生輕文入以其不事事也君材幹若此何官不可爲吾何敢不敬後通判江陵江陵雄據上流表裏漢兵民雜處庶務叢集諸事兼決處之泰然靈有心計善出奇應變故所至有能聲

元諸將利據掠爭欲趨臨安巴延問計於郎中孟祺對曰宋人之計惟有竄聞耳若以兵迫之彼必速遁一旦盜起臨安三百年之積焚蕩無餘矣莫若以計安之令彼不懼正如取果稍待時日爾巴延曰汝言正合我意遣人至臨安安慰之朝廷遣監察御史劉岳如巴延軍奉表稱臣上尊號歲貢絹銀二十五萬兩匹乞存境土以奉燕喜且約巴延會長安鎮以輸平元巴延至長安鎮宣中違約不往議事巴延進次畢山阿喇罕董文炳之師皆會游騎至臨安北關文天祥張世傑請移三宮入海而已帥衆背城一戰宣中不許白太皇太后遣

監察御史楊應奎上傳國璽以降巴延受之遣使召陳宜中出降降事而使嘉祥特奏驅使赴上都是夜宜中

還歸温州之清澳

長安鎮在海南州北鼻亭山在杭州府東北二十里北關今北新關在府北十里清澳在温州府東海中

益王廣王自京會門出渡浙江而南巴延聞之遣范文虎將兵追之楊鎮得報即還曰我將死於彼以緩追兵

楊亮節等遂賈二王及楊淑妃徒走隱山中七日統制張全以兵數十人追及遂同走温州陳秀夫蘇劉義等

聞二王走温州繼追及於道遣人召陳宜中於清澳宜中來謁復召張世傑於定海世傑亦以所部兵來溫之

江心寺舊有高宗南奔時御座衆相率哭座下奉益王昀爲天下兵馬都元帥廣王昀副之發兵除吏以秀王

興擇爲福建察訪使先往閩中撫吏民諭百姓檄召諸路忠義同獎王益會太皇太后遣二宦者以兵八人召

二王還臨安宜中等沈其兵於江中遂入閩時黃萬石降元以書爲福建檄使欲取全閩以爲己功打建諸州

方謀從萬石送款聞二王至復閉門以拒萬石南劍守臣林起龍遣軍逐之萬石敗走其將士多來歸兵勢稍

振宜中等遂傳檄檄海曾萬石已復潯江州郡元諸戍將以江路既絕不可北歸皆欲托計事還靜江獨廣西

宣慰使史格曰君等勿爲虛聲所懷待貴賄禍害不可北歸取途雲南未爲不可豈改其業戍戍元行省又欲

棄廣之棄廣復廣封州并戎梧州亦爲格所沮

嘉會門杭州西南門也南劍今延平府

全太后與帝隨元兵北行至瓜州李庭芝與妻才涕泣誓將士出兵奪兩宮將士皆感泣乃盡散金帛犒兵以

四萬人夜擄瓜州戰三時衆擁帝避去才追至孺子市夜猶不退阿珠使人招之才曰吾甯死豈作降將軍耶

冀州苗再成亦謀奪無不克

滑子市縣在瓜州西今江陰縣之滑子口城也

